

REGLUGERÐ

um vegabréfsáritanir.

I. HLUTI

Almenn ákvæði.

1. gr.

Markmið og gildissvið.

Með reglugerð þessari er kveðið á um verklagsreglur og skilyrði fyrir útgáfu vegabréfsáritana af Íslands hálfu til gegnumferðar um eða fyrirhugaðrar dvalar, einnar eða fleiri, á yfirráðasvæði aðildarríkja Schengen-samstarfsins til þriggja mánaða eða skemmri tíma á sex mánaða tímabili, sem og heimild Útlendingastofnunar til útgáfu vegabréfsáritana til lengri dvalar á Íslandi.

Ákvæði þessarar reglugerðar gilda um alla ríkisborgara þriðju ríkja, sem verða að hafa vegabréfsáritun til að fara yfir ytri landamæri aðildarríkjanna, sbr. viðauka 9 og 10 þar sem talin eru upp þriðju ríki hverra ríkisborgarar verða að hafa vegabréfsáritun til að fara yfir ytri landamæri aðildarríkjanna og þriðju ríki hverra ríkisborgarar eru undanþegnir þeirri kvöð, sbr. þó rétt ríkisborgara þriðju ríkja sem eru aðstandendur íslenskra ríkisborgara eða EES- eða EFTA-útlendinga, til frjálsrar farar.

Í þessari reglugerð eru einnig talin upp þau þriðju ríki hverra ríkisborgarar falla undir kvöð um vegabréfsáritun til gegnumferðar um flughöfn, samkvæmt undantekningu frá meginreglunni um frjálsa gegnumför, sem mælt er fyrir um í 9. viðauka við Chicago-samþykktina um alþjóðflugmál, auk þess sem settar eru verklagsreglur og skilyrði fyrir útgáfu vegabréfsáritana til gegnumferðar um alþjóðleg gegnumferðarsvæði flughafna í aðildarríkjunum.

2. gr.

Skilgreiningar.

Í þessari reglugerð er merking eftirfarandi hugtaka sem hér segir:

1. *Aðildarríki*: ríki sem tekur fullan þátt í Schengen-samstarfinu.
2. *Ríkisborgari þriðja ríkis*: hver sá einstaklingur sem er ekki íslenskur ríkisborgari eða EES- eða EFTA-útlendingur.
3. *Vegabréfsáritun*: heimild gefin út af íslenskum stjórnvöldum, eða fyrir þeirra hönd, til lengri dvalar en þriggja mánaða á Íslandi eða heimild, gefin út af aðildarríki, til:
 - a) gegnumferðar um eða fyrirhugaðrar dvalar á yfirráðasvæði aðildarríkjanna í þrjú mánuði eða skemmri tíma á sex mánaða tímabili frá fyrsta komudegi til yfirráðasvæðis aðildarríkjanna,
 - b) gegnumferðar um alþjóðleg gegnumferðarsvæði flughafna í aðildarríkjunum.
4. *Samræmd vegabréfsáritun*: vegabréfsáritun sem gildir á yfirráðasvæði allra aðildarríkjanna.
5. *Vegabréfsáritun með takmarkað gildissvæði*: vegabréfsáritun sem gildir á yfirráðasvæði eins eða fleiri aðildarríkja en ekki allra aðildarríkjanna.
6. *Vegabréfsáritun til gegnumferðar um flughöfn*: vegabréfsáritun til gegnumferðar um alþjóðleg gegnumferðarsvæði einnar eða fleiri flughafna í aðildarríkjunum.
7. *Vegabréfsáritunarmiði*: fyrirmyndin að samræmdum vegabréfsáritunum sem komið var á með reglugerð (EB) nr. 1683/95 um fyrirmynd að samræmdum vegabréfsáritunum.
8. *Viðurkennd ferðaskilríki*: ferðaskilríki sem viðurkennd eru af einu eða fleiri aðildarríkjum til að festa vegabréfsáritanir í.
9. *Laust blað til að festa vegabréfsáritun á*: fyrirmynd að samræmdu eyðublaði til að festa vegabréfsáritun á, sem aðildarríki veita einstaklingum með ferðaskilríki sem eru ekki viðurkennd í aðildarríkinu sem gefur út eyðublaðið, eins og það er skilgreint í reglugerð ráðsins (EB) nr. 333/2002 frá 18. febrúar 2002 um fyrirmynd að samræmdu eyðublaði fyrir festingu vegabréfsáritunar sem aðildarríki veita einstaklingum með ferðaskilríki sem eru ekki viðurkennd í aðildarríkinu sem gefur út eyðublaðið.

10. *Ræðisskrifstofa*: sendiráð eða ræðisstofnun aðildarríkis, sem hefur heimild til að gefa út vegabréfsáritanir og sem sendiræðiserindreki veitir forstöðu, eins og skilgreint er í Vínarsamningnum um ræðissamband frá 24. apríl 1963.
11. *Umsókn*: umsókn um vegabréfsáritun.
12. *Fyrirtæki sem starfar sem milliliður*: einkarekin umsýsluskrifstofa, flutningamiðlun eða ferðaskrifstofa (ferðaskipuleggjandi eða ferðasmásali).
13. *Fyrirsvarsríki*: aðildarríki sem falið hefur verið að fara með fyrirsvar í samræmi við 8. gr.

II. HLUTI

Vegabréfsáritun til gegnumferðar um flughöfn.

3. gr.

Ríkisborgarar þriðju ríkja sem falla undir kvöð um vegabréfsáritun til gegnumferðar um flughöfn.

Ríkisborgurum þeirra þriðju ríkja sem eru tilgreind í viðauka 4 er skylt að hafa vegabréfsáritun til gegnumferðar um flughöfn þegar þeir fara um alþjóðleg gegnumferðarsvæði íslenskra flughafna.

Í bráðatilvikum, þegar um er að ræða stórfellt innstreymi ólöglegra innflytjenda, er heimilt að krefjast þess að ríkisborgarar annarra þriðju ríkja en þeirra, sem um getur í 1. mgr., hafi vegabréfsáritun til gegnumferðar um flughöfn þegar þeir fara um alþjóðleg gegnumferðarsvæði íslenskra flughafna.

Eftirtaldir eru undanþegnir kvöðinni um vegabréfsáritun til gegnumferðar um flughöfn, sem um getur í 1. og 2. mgr.:

- a) handhafar gildrar samræmdrar vegabréfsáritunar, landsbundinnar vegabréfsáritunar til langrar dvalar eða dvalarleyfis sem aðildarríki hefur gefið út,
- b) ríkisborgarar þriðju ríkja sem eru handhafar gildra dvalarleyfa, sem tilgreind eru í V. viðauka og gefin eru út af Andorra, Kanada, Japan, San Marínó eða Bandaríkjum Norður-Ameríku, sem ábyrgjast skilyrðislausu endurviðtöku viðkomandi,
- c) ríkisborgarar þriðju ríkja sem eru handhafar gildrar vegabréfsáritunar til aðildarríkis, ríkis sem á aðild að samningnum um Evrópska efnahagssvæðið frá 2. maí 1992, Kanada, Japan eða Bandaríkja Norður-Ameríku eða eru á heimleið frá þessum ríkjum eftir að hafa notað vegabréfsáritunina,
- d) aðstandendur íslenskra ríkisborgara eða EES- eða EFTA-útlendinga, eins og um getur í 2. mgr. 1. gr.,
- e) handhafar diplómatiskra vegabréfa,
- f) flugliðar sem eru ríkisborgarar samningsaðila að Chicago-samþykktinni um alþjóðlegt almenningsflug.

III. HLUTI

Verklagsreglur og skilyrði fyrir útgáfu vegabréfsáritana.

I. KAFLI

Yfirvöld sem koma að umsóknarferlinu.

4. gr.

Lögbær yfirvöld sem koma að umsóknarferlinu.

Ræðisskrifstofur Íslands og annarra aðildarríkja, í samræmi við ákvörðun utanríkisráðuneytisins eða samninga þess við önnur aðildarríki um fyrirsvar á hverjum tíma, sbr. 8. gr., taka við og fara með umsóknir og veita vegabréfsáritanir. Að öðru leyti tekur Útlendingastofnun ákvörðun um umsóknir.

Þrátt fyrir 1. mgr. getur meðferð umsókna og ákvarðanataka varðandi þær farið fram á ytri landamærum aðildarríkjanna hjá yfirvöldum sem bera ábyrgð á eftirliti með einstaklingum í samræmi við 35. og 36. gr.

Útlendingastofnun er jafnframt heimilt að veita eða fela fyrirsvarsríki að veita vegabréfsáritun til lengri dvalar en þriggja mánaða á Íslandi, á grundvelli dvalar- og/eða atvinnuleyfis, sem liggur fyrir þegar áritunin er veitt og skal þá beita ákvæðum reglugerðar þessarar eftir því sem við á. Slík

áritun verður veitt fyrir eina komu og heimilar hún för innan Schengen-svæðisins nema annað sé tekið fram í árituninni sjálfri.

Aðildarríki getur farið fram á að annað aðildarríki hafi samráð við það eða sendi því tilkynningar í samræmi við 22. og 31. gr.

5. gr.

Meðferð umsóknar og ákvörðun um hana.

Íslensk stjórnvöld eru bær til að annast meðferð umsóknar um samræmda vegabréfsáritun og taka ákvörðun um hana í eftirtöldum tilvikum:

- a) ef ferðinni eða ferðunum er eingöngu heitið hingað til lands,
- b) ef Ísland telst vera aðalákvörðunarstaður ferðarinnar eða ferðanna, með tilliti til dvalartíma eða tilgangs dvalarinnar, þótt ferðast sé til fleiri en eins ákvörðunarstaðar, eða
- c) ef Ísland er það aðildarríki þar sem umsækjandi hyggst fara yfir ytri landamæri til að komast inn á yfirráðasvæði aðildarríkjanna og ekki er unnt að ákvarða aðalákvörðunarstað.

Íslensk stjórnvöld eru bær til að annast meðferð umsóknar um samræmda vegabréfsáritun til gegnumferðar og taka ákvörðun um hana ef:

- a) einungis er um að ræða gegnumferð um Ísland, eða
- b) umsækjandi hyggst fara yfir ytri landamæri Íslands til þess að hefja gegnumferð um fleiri en eitt aðildarríki.

Íslensk stjórnvöld eru bær til að annast meðferð umsóknar um vegabréfsáritun til gegnumferðar um flughöfn og taka ákvörðun um hana ef:

- a) einungis er um að ræða gegnumferð um íslenska flughöfn, eða
- b) íslensk flughöfn er fyrsta flughöfnin, sem farið er í gegnum, ef um er að ræða gegnumferð um tvær eða fleiri flughafnir aðildarríkjanna.

6. gr.

Lögsaga ræðisskrifstofa.

Séu íslensk stjórnvöld bær til þess að taka umsókn til meðferðar og ákvörðunar skal íslensk ræðisskrifstofa sem staðsett er þar sem umsækjandi hefur löglega búsetu, taka umsókn til meðferðar og taka ákvörðun um hana, nema öðru aðildarríki hafi verið falið fyrirsvaer í samræmi við 8. gr.

Hið sama gildir um umsókn ríkisborgara þriðja ríkis, sem dvelur löglega þar sem íslensk ræðisskrifstofa, sem annast áritanaútgáfu, er staðsett en hefur ekki búsetu þar, ef viðkomandi getur fært rök fyrir því að leggja umsóknina fram hjá þeirri ræðisskrifstofu.

7. gr.

Aðili sem er bær til að gefa út vegabréfsáritanir til ríkisborgara þriðju ríkja sem dvelja löglega á yfirráðasvæði aðildarríkis.

Ríkisborgarar þriðju ríkja, sem dvelja löglega á yfirráðasvæði aðildarríkis og er skylt að hafa vegabréfsáritun til að koma inn á yfirráðasvæði eins eða fleiri aðildarríkja, skulu sækja um vegabréfsáritun á ræðisskrifstofu Íslands, sé Ísland bært til þess að taka umsóknina til meðferðar skv. 5. gr., eða annars aðildarríkis sem falið hefur verið fyrirsvaer fyrir Íslands hönd, samkvæmt 1. mgr. 4. gr.

8. gr.

Samkomulag um fyrirsvaer.

Aðildarríki getur fallist á að veita öðru aðildarríki fyrirsvaer að því er varðar meðferð umsókna og útgáfu vegabréfsáritana fyrir hönd þess aðildarríkis. Aðildarríki er einnig heimilt að veita öðru aðildarríki fyrirsvaer er takmarkist við viðtöku umsókna og skráningu lífkenna eingöngu.

Ræðisskrifstofa aðildarríkis sem veitir fyrirsvaer skal, þegar hún íhugar að synja um vegabréfsáritun, leggja umsóknina fyrir viðeigandi yfirvöld aðildarríkisins, sem nýtur fyrirsvars, til að þau geti tekið endanlega ákvörðun um umsóknina innan þess frests sem um getur í 1., 2. eða 3. mgr. 23. gr.

Við viðtöku skráa og gagna og sendingu þeirra til aðildarríkisins, sem nýtur fyrirsvars, skal fara að viðeigandi gagnaverndar- og öryggisreglum.

Aðildarríkið sem veitir fyrirsvor og aðildarríkið sem nýtur fyrirsvars skulu gera með sér tvíhliða samkomulag sem hefur að geyma eftirfarandi atriði:

- a) í því skal tilgreina í hversu langan tíma fyrirsvor skuli veitt, ef um tímabundið fyrirkomulag er að ræða, og verklagsreglur við uppsögn þess,
- b) í því má kveða á um að aðildarríkið, sem nýtur fyrirsvars, leggi til húsnæði, starfsfólk og annist greiðslur, einkum ef aðildarríkið sem nýtur fyrirsvars hefur ræðisskrifstofu í viðkomandi þriðja ríki,
- c) í því má kveða á um að aðildarríkið, sem veitir fyrirsvor, skuli senda umsóknir frá sérstökum flokkum ríkisborgara þriðju ríkja til miðlægra stjórnvalda aðildarríkisins, sem nýtur fyrirsvars, til samráðs fyrirfram, eins og kveðið er á um í 22. gr.

Aðildarríki, sem ekki hafa ræðisskrifstofu í þriðja ríki, skulu kappkosta að koma á samkomulagi um fyrirsvor við aðildarríki sem hafa ræðisskrifstofur í því ríki.

II. KAFLI

Umsókn.

9. gr.

Hagnýt atriði varðandi framlagningu umsókna.

Ekki má leggja fram umsókn fyrr en þremur mánuðum fyrir áætlaða ferð. Handhöfum vegabréfsáritunar sem gildir fyrir margar komur er heimilt að leggja fram umsókn áður en vegabréfsáritun, sem gildir í a.m.k. sex mánuði, rennur út.

Heimilt er að gera kröfu um að umsækjendur panti viðtalstíma til að leggja fram umsókn. Viðtalstími skal, almennt, veittur innan tveggja vikna frá þeim degi sem hann var pantaður.

Í bráðatilvikum getur ræðisskrifstofa heimilað umsækjendum að leggja fram umsóknir sínar, annaðhvort án þess að mæta í viðtal eða með því að gefa þeim viðtalstíma þegar í stað.

10. gr.

Almennar reglur um framlagningu umsókna.

Með fyrirvara um ákvæði 13. og 37. gr. skulu umsækjendur mæta í eigin persónu þegar þeir leggja fram umsókn.

Ræðisskrifstofur geta veitt undanþágu frá kröfu samkvæmt 1. mgr. ef þær þekkja umsækjanda að ráðvændni og áreiðanleika.

Þegar umsækjandi leggur fram umsókn skal hann:

- a) leggja fram umsókn í samræmi við 11. gr.,
- b) framvísa ferðaskilríkjum í samræmi við 12. gr.,
- c) leggja fram ljósmynd í samræmi við staðla sem settir eru í 13. gr. þessarar reglugerðar,
- d) heimila að fingraför hans séu tekin í samræmi við 13. gr., ef við á,
- e) greiða gjald fyrir afgreiðslu umsókna um vegabréfsáritun í samræmi við 16. gr.,
- f) leggja fram fylgiskjöl í samræmi við 14. gr. og viðauka 2,
- g) leggja fram, þar sem við á, sönnun um videigandi og gilda ferðasjúkratryggingu í samræmi við 15. gr.

11. gr.

Umsóknareyðublað.

Sérhver umsækjandi skal leggja fram útfyllt og undirritað umsóknareyðublað í samræmi við fyrirmyndina í I. viðauka. Einstaklingar, sem skráðir eru í ferðaskilríki umsækjanda, skulu leggja fram sérstakt umsóknareyðublað. Börn undir lögaldri skulu leggja fram umsókn með undirritun þess sem fer með varanlega eða tímabundna forsjá þeirra eða lögráðamanns.

Ræðisskrifstofur skulu sjá til þess að umsækjendur geti nálgast umsóknareyðublaðið víða og á auðveldan hátt, án endurgjalds.

Eyðublaðið skal vera til á eftirfarandi tungumálum:

- a) opinberu tungumáli eða -málum aðildarríkisins sem sótt er um vegabréfsáritun til,
- b) opinberu tungumáli eða -málum gístitandsins,

- c) opinberu tungumáli eða -málum gistilandsins og opinberu tungumáli eða -málum aðildarríkisins sem sótt er um vegabréfsáritun til,
- d) þegar um er að ræða fyrirvar, opinberu tungumáli eða -málum aðildarríkisins sem veitir fyrirvar.

Auk tungumálsins eða -málanna, sem um getur í a-lið, má eyðublaðið vera á öðru opinberu tungumáli stofnana Evrópusambandsins.

Sé umsóknareyðublaðið ekki til á opinberu tungumáli eða -málum gistilandsins skal láta umsækjendum sérstaklega í té þýðingu á því á það/þau tungumál.

Ræðisskrifstofan skal láta umsækjendur vita hvaða tungumál, eitt eða fleiri, er heimilt að nota til að fylla út umsóknareyðublaðið.

12. gr.

Ferðaskilríki.

Umsækjandi skal framvísa gildum ferðaskilríkjum sem uppfylla eftirfarandi skilyrði:

- a) þau skulu gilda í a.m.k. þrjá mánuði eftir fyrirhugaðan brottfarardag frá yfirráðasvæði aðildarríkjanna eða, ef um er að ræða nokkrar heimsóknir, eftir síðasta fyrirhugaða brottfarardag frá yfirráðasvæði aðildarríkjanna. Í neyðartilvikum er þó heimilt að falla frá þessu skilyrði,
- b) í þeim skulu vera a.m.k. tvær auðar síður,
- c) ekki skulu vera liðin fleiri en 10 ár frá útgáfu þeirra.

13. gr.

Lífkenni.

Aðildarríkin skulu safna lífkennum umsækjanda, þ. á m. ljósmynd og fingraförum af öllum tíu fingrum, í samræmi við verndarráðstafanirnar sem mælt er fyrir um í Evrópuráðssamningi um verndun mannréttinda og mannfrelsis, sáttmála Evrópusambandsins um grundvallarréttindi og samningi Sameinuðu þjóðanna um réttindi barnsins þannig að umsækjandi haldi virðingu sinni þótt erfiðleikar þessu samfara komi upp.

Umsækjanda er skylt að mæta í eigin persónu þegar umsókn er lögð fram í fyrsta sinn. Þá skal eftirfarandi lífkennum umsækjanda safnað:

- ljósmynd, skönnuð eða tekin þegar sótt er um og
- fingraförum allra tíu fingra, tekin af flötum fingrum og safnað á stafrænu formi.

Ef fingraför, sem tekin voru af umsækjanda vegna fyrri umsóknar, voru færð inn í upplýsingakerfi um vegabréfsáritanir í fyrsta skipti innan við 59 mánuðum áður en ný umsókn er lögð fram, skulu þau afrituð fyrir næstu umsókn. Leiki þó verulegur vafi á því hver umsækjandi er skal ræðisskrifstofan taka af honum fingraför innan frestsins sem tilgreindur er í fyrsta málslið. Þegar umsækjandi leggur fram umsókn getur hann enn fremur beðið um að fingraför séu tekin af honum ef ekki er unnt að staðfesta þegar í stað að þau hafi verið tekin innan þess tímabils sem tilgreint er í fyrsta málslið.

Ljósmyndin, sem fest er við hverja umsókn, skal færð inn í upplýsingakerfi um vegabréfsáritanir. Umsækjanda er ekki skylt að mæta í eigin persónu til þess. Tæknilegar kröfur vegna ljósmyndarinnar skulu vera í samræmi við alþjóðlega staðla eins og segir í 1. hluta skjals 9303 frá Alþjóðaflugmálastofnuninni, 6. útg.

Taka fingrafara skal fara fram í samræmi við staðla Alþjóðaflugmálastofnunarinnar og ákvörðun framkvæmdastjórnar Evrópusambandsins nr. 2006/648/EB frá 22. september 2006 um tækniforskriftir fyrir staðla um lífkennapætti er tengjast þróun upplýsingakerfisins um vegabréfsáritanir.

Hæft starfsfólk lögbærra yfirvalda, skv. 1., 2. og 3. mgr. 4. gr., sem til þess hefur tilskilda heimild, skal annast söfnun lífkenna. Einnig er heimilt að hæft starfsfólk kjöræðismanns eða utanaðkomandi þjónustuaðila, eins og um getur í 37. gr., sem hefur til þess tilskilda heimild, safni lífkennum undir eftirliti ræðisskrifstofa. Ef um einhvern vafa er að ræða skal hlutaðeigandi aðildarríki, eitt eða fleiri, sjá til þess að unnt sé að sannprófa á ræðisskrifstofunni fingraför sem hinn utanaðkomandi þjónustuaðili tók.

Eftirtaldir umsækjendur skulu undanþegnir þeirri kvöð að láta taka fingraför sín:

- a) börn undir 12 ára aldri,
- b) einstaklingar sem ekki er hægt að taka fingraför af vegna líkamlegra orsaka. Ef hægt er að taka fingraför af færri fingrum en tíu skal taka fingraför af eins mörgum fingrum og unnt er. Sé um tímabundið ástand að ræða skal umsækjanda hins vegar skylt að láta taka af sér fingraför við næstu umsókn. Heimilt er að óska eftir nánari skýringu á því hvað valdi þessu tímabundna ástandi,
- c) ríkisleiðtogar eða ríkisstjórnarleiðtogar og ráðherrar í ríkisstjórn, ásamt mökum sem fylgja þeim, og fulltrúar í opinberum sendinefndum þeirra þegar um er að ræða opinberar heimsóknir í boði ríkisstjórnar aðildarríkis eða alþjóðastofnunar,
- d) þjóðhöfðingjar og aðrir háttsettir meðlimir konungsfjölskyldna, í opinberum heimsóknum í boði ríkisstjórnar aðildarríkis eða alþjóðastofnunar.

Í þeim tilvikum, sem um getur í 7. mgr., skal setja inn færsluna „á ekki við“ í upplýsingakerfi um vegabréfsáritanir.

14. gr.

Fylgiskjöl.

Þegar sótt er um samræmda vegabréfsáritun skal umsækjandi framvísa:

- a) skjölum sem gefa til kynna tilgang ferðar,
- b) skjölum er varða gistingu eða sönnun á að hann hafi nægt fé til að greiða fyrir gistingu,
- c) skjölum sem gefa til kynna að hann hafi nægt fé sér til framfærslu, bæði meðan á fyrirhugaðri dvöl stendur og til þess að snúa aftur til uppruna- eða búsetulands síns eða til gegnumferðar um þriðja ríki, sem víst þykir að honum verði hleypt inn í, eða að hann sé í aðstöðu til að útvega sér slíkt fé á lögmætan hátt í samræmi við c-lið 1. mgr. og 2. mgr. 5. gr. reglugerðar nr. 1212/2007 um för yfir landamæri,
- d) upplýsingum sem gera kleift að meta ásetning umsækjanda um að fara frá yfirráðasvæði aðildarríkjanna áður en vegabréfsáritunin, sem sótt er um, rennur út.

Þegar sótt er um vegabréfsáritun til gegnumferðar um flughöfn skal umsækjandi framvísa:

- a) skjölum varðandi áframhaldandi för til lokaákvörðunarstaðar eftir fyrirhugaða gegnumferð um flughöfn,
- b) upplýsingum sem gera kleift að meta ásetning hans um að fara ekki inn á yfirráðasvæði aðildarríkjanna.

Til að kanna hvort skilyrðum sem talin eru upp í 1. og 2. mgr. er fullnægt, er stjórnvaldi því sem hefur umsókn um vegabréfsáritun til meðferðar heimilt að óska eftir gögnum sem talin eru upp í viðauka 2. Stjórnvaldinu er jafnframt heimilt að óska eftir öðrum gögnum ef þurfa þykir. Heimilt er að krefjast þess að umsækjandi færi sönnur á að einhver ábyrgist framfærslu hans og/eða gistingu í heimahúsi með því að fylla út eyðublað þar sem kemur fram:

- a) hvort því sé ætlað að færa sönnur á að einhver ábyrgist framfærslu hlutaðeigandi og/eða gistingu,
- b) hvort gestgjafinn sé einstaklingur, fyrirtæki eða stofnun,
- c) deili á gestgjafanum og upplýsingar um hvernig unnt er að ná sambandi við hann,
- d) hvaða umsækjanda eða umsækjendum er boðið,
- e) heimilisfangið þar sem gist er,
- f) dvalartími og tilgangur dvalar,
- g) ættartengsl við gestgjafann, ef einhver eru.

Ræðisskrifstofur geta veitt undanþágu frá einni eða fleiri kröfum 1. mgr. ef þær þekkja umsækjanda að ráðvæðni og áreiðanleika, einkum löglegri notkun fyrri vegabréfsáritana, og ef enginn vafi leikur á því að hann muni uppfylla kröfur 1. mgr. 5. gr. reglugerðar nr. 1212/2007, um för yfir landamæri, þegar farið er yfir ytri landamæri aðildarríkjanna.

15. gr.

Ferðasjúkratrygging.

Umsækjendur um samræmda vegabréfsáritun til einnar komu eða tveggja skulu sýna fram á að þeir séu handhafar víðeigandi og gildrar ferðasjúkratryggingar til að mæta hvers konar kostnaði sem kann að falla til í tengslum við heimsendingu af læknisfræðilegum ástæðum, brýna lækni meðferð og/eða meðferð á sjúkrahúsi í neyðartilvikum eða við andlát meðan á dvöl þeirra stendur á yfirráðasvæði aðildarríkjanna.

Umsækjendur um samræmda vegabréfsáritun fyrir fleiri en tvær komur skulu sýna fram á að þeir séu handhafar gildrar ferðasjúkratryggingar sem tekur til tímabils fyrstu fyrirhugaðrar heimsóknar þeirra. Að auki skulu slíkir umsækjendur skrifa undir yfirlýsingu, sem er að finna á umsóknareyðublaðinu, um að þeim sé kunnugt um nauðsyn þess að hafa ferðasjúkratryggingu fyrir síðari dvöl, eina eða fleiri.

Tryggingin skal gilda á öllu yfirráðasvæði aðildarríkjanna og taka til alls fyrirhugaðs dvalar- eða gegnumferðartímabils hlutaðeigandi. Lágmarkstryggingavernd skal vera í samræmi við þá tryggingavernd sem krafist er í reglugerð Evrópuþingsins og ráðsins (EB) nr. 810/2009 um Bandalagsreglur um vegabréfsáritanir.

Þegar gefin er út vegabréfsáritun með takmarkað gildissvæði sem gildir fyrir fleiri en eitt aðildarríki skal tryggingaverndin a.m.k. gilda í hlutaðeigandi aðildarríkjum.

Umsækjendur skulu að jafnaði tryggja sig í því ríki þar sem þeir eru búsettir. Ef ekki er unnt að koma því við skulu þeir reyna að fá tryggingu í öðru ríki. Ef annar einstaklingur kaupir tryggingu í nafni umsækjanda gilda skilyrði 3. mgr.

Þegar meta á hvort tryggingavernd er viðunandi skulu ræðisskrifstofurnar kanna hvort kröfur á hendur tryggingafélaginu fáist greiddar í aðildarríki.

Heimilt er að líta svo á að kröfunni um tryggingu sé fullnægt ef staðfest hefur verið að starf umsækjandans veiti honum næga tryggingavernd. Tilteknar starfsstéttir geta verið undanþegnar því að þurfa að leggja fram sönnun fyrir ferðasjúkratryggingu, s.s. sjómenn, sem þegar njóta ferðasjúkratryggingar í tengslum við störf sín.

Handhafar diplómátskra vegabréfa skulu njóta undanþágu frá kröfunni um ferðasjúkratryggingu.

16. gr.

Gjald fyrir vegabréfsáritun.

Umsækjendur skulu greiða gjald fyrir afgreiðslu umsóknar um vegabréfsáritun, sbr. 5.-15. tölul. 14. gr. laga nr. 88/1991 um aukatekjur ríkissjóðs.

Börn á aldrinum sex til tólf ára skulu greiða lægra gjald en þeir sem eldri eru.

Umsækjendur, sem falla undir einn af eftirfarandi flokkum, skulu undanþegnir gjaldi fyrir vegabréfsáritanir:

- a) börn undir sex ára aldri,
- b) nemendur, háskólanemar, háskólanemar í framhaldsnámi og kennarar til fylgdar, sem fara til dvalar í því skyni að stunda nám eða sækja sér starfsþjálfun,
- c) rannsóknarmenn frá þriðju ríkjum sem ferðast í því skyni að stunda vísindarannsóknir, eins og tilgreint er í tilmælum Evrópuþingsins og ráðsins nr. 2005/761/EB frá 28. september 2005 um að greiða fyrir því að aðildarríkin gefi út samræmdar vegabréfsáritanir til stuttrar dvalar fyrir rannsóknarmenn frá þriðju ríkjum sem ferðast innan Bandalagsins í því skyni að stunda vísindarannsóknir,
- d) fulltrúar stofnana sem eru ekki reknar í hagnaðarskyni, 25 ára eða yngri, sem taka þátt í málstofum, ráðstefnum, íþrótta-, menningar- eða fræðsluviðburðum sem eru skipulagðir af stofnunum, sem eru ekki reknar í hagnaðarskyni.

Heimilt er að undanþiggja eftirtalda aðila gjaldi fyrir vegabréfsáritanir:

- a) börn á aldrinum sex til tólf ára,
- b) handhafa diplómátskra vegabréfa og þjónustuvegabréfa,
- c) þátttakendur, 25 ára eða yngri, í málstofum, ráðstefnum, íþrótta-, menningar- eða fræðsluviðburðum sem eru skipulagðir af stofnunum sem eru ekki reknar í hagnaðarskyni.

Heimilt er að falla frá gjaldi fyrir vegabréfsáritanir, eða lækka í einstökum tilvikum, þegar sú ráðstöfun miðar að því að efla veg menningar eða íþróttar, þjónar hagsmunum sem varða utanríkis- eða þróunarmál eða öðrum mikilvægum almannahagsmunum eða af mannúðarástæðum.

Gjald fyrir vegabréfsáritanir er óendurkræft, nema í þeim tilvikum sem um getur í 2. mgr. 18. gr. og 3. mgr. 19. gr.

Umsækjandi skal fá kvittun fyrir greiðslu gjalds fyrir vegabréfsáritun.

Útlendingastofnun er heimilt að setja nánari reglur um undanþágur samkvæmt 4. og 5. mgr.

17. gr.

Þjónustugjald.

Utanaðkomandi þjónustuaðila, sem um getur í 37. gr., er heimilt að taka viðbótarþjónustugjald. Þjónustugjaldið skal vera í samræmi við kostnað hins utanaðkomandi þjónustuaðila vegna vinnslu eins eða fleiri af verkefnum sem honum hafa verð falin.

Þjónustugjaldið, sem tekið er af umsækjendum, skal endurspegla réttilega þá þjónustu sem hinn utanaðkomandi þjónustuaðili býður og vera lagað að aðstæðum á hverjum stað. Þjónustugjaldið skal ekki vera hærra en hálf gjald fyrir vegabréfsáritun, án tillits til hugsanlegrar lækkunar á eða undanþágu frá gjaldi fyrir vegabréfsáritun sem um getur í 2., 3., 4., og 5. mgr. 16. gr.

Umsækjendum skal jafnframt gefast kostur á að leggja fram umsóknir beint hjá ræðisskrifstofu.

III. KAFLI

Meðferð umsóknar og ákvörðun um umsókn.

18. gr.

Gengið úr skugga um hvaða ræðisskrifstofa er þar til bær ræðisskrifstofa.

Þegar umsókn hefur verið lögð fram skal ræðisskrifstofan ganga úr skugga um hvort hún sé til þess bær að taka hana til meðferðar og taka ákvörðun um hana í samræmi við 5. og 6. gr.

Sé ræðisskrifstofan ekki til þess bær skal hún, án tafar, endursenda umsóknina og hver þau gögn sem umsækjandi hefur lagt fram, endurgreiða honum umsóknargjaldið og tilkynna honum hvaða ræðisskrifstofa sé bær til að taka hana til meðferðar.

19. gr.

Kannað hvort umsóknir séu tækar.

Þar til bær ræðisskrifstofa skal kanna:

- hvort umsóknin var lögð fram innan þess tímabils sem um getur í 1. mgr. 9. gr.,
- hvort umsóknin hefur að geyma þau atriði sem um getur í a- til c-lið 3. mgr. 10. gr.,
- hvort lífkennum umsækjanda hefur verið safnað og
- hvort gjald fyrir afgreiðslu vegabréfsáritunar hefur verið greitt.

Séu skilyrði 1. mgr. uppfyllt telst umsóknin vera tæk og skal ræðisskrifstofan þá taka umsóknina til meðferðar og færa hana í upplýsingakerfi um vegabréfsáritanir.

Teljast skilyrði 1. mgr. ekki uppfyllt telst umsóknin ekki tæk og skal þá ræðisskrifstofan tafarlaust:

- endursenda umsóknina og hver þau gögn sem umsækjandi hefur lagt fram,
- eyða lífkennum sem safnað hefur verið,
- endurgreiða umsóknargjaldið og
- ekki taka umsóknina til meðferðar.

Þrátt fyrir að umsókn uppfylli ekki skilyrðin, sem um getur í 1. mgr., getur hún talist tæk af mannúðarástæðum eða af ástæðum er varða þjóðarhagsmuni.

20. gr.

Stimpla sem gefur til kynna að umsókn sé tæk.

Ef umsókn telst tæk skal þar til bær ræðisskrifstofa stimpla ferðaskilríki umsækjandans. Stimpillinn skal vera í samræmi við fyrirmyndina í III. viðauka og hann skal nota í samræmi við ákvæði þess viðauka.

Ekki skal stimpla í diplómatiske vegabréf, þjónustu-/embættisvegabréf og sérstök vegabréf.

Ákvæði þessarar greinar skulu gilda fram að þeim degi er upplýsingakerfið um vegabréfsáritanir verður tekið í fulla notkun á öllum svæðum.

21. gr.

Könnun á því hvort komuskilyrði séu uppfyllt og áhættumat.

Við meðferð umsóknar um samræmda vegabréfsáritun skal kanna hvort umsækjandi uppfylli skilyrðin fyrir komu, sem sett eru fram í a-, c-, d- og e-lið 1. mgr. 5. gr. reglugerðar nr. 1212/2007 um för yfir landamæri, með sérstakri áherslu á mat á því hvort hætta sé á að umsækjandinn muni gerast ólöglegur innflytjandi eða hvort hann teljist vera ógnun við öryggi aðildarríkjanna og hvort hætta sé á að hann dvelji lengur á yfirráðasvæði aðildarríkjanna en honum er heimilt.

Fletta skal upp í upplýsingakerfi um vegabréfsáritanir, í tengslum við sérhverja umsókn.

Þegar kannað er hvort umsækjandi uppfyllir komuskilyrði skal ræðisskrifstofan sannprófa:

- a) að ferðaskilríkin, sem framvísað er, séu ekki grunnfölsuð, breytifölsuð eða fölsuð á annan hátt,
- b) rök umsækjanda fyrir tilgangi og skilyrðum fyrirhugaðrar dvalar, og að hann hafi nægt fé sér til framfærslu, bæði meðan á fyrirhugaðri dvöl stendur og til þess að snúa aftur til uppruna- eða búsetulands síns eða til gegnumferðar um þriðja ríki, sem víst þykir að honum verði hleypt inn í, eða að hann sé í aðstöðu til að útvega sér slíkt fé á lögmætan hátt,
- c) að umsækjandi sé ekki á skrá í Schengen-upplýsingakerfinu (SIS) yfir óæskilega einstaklinga sem synja á um komu,
- d) að umsækjandi teljist ekki vera ógnun við allsherjarreglu, þjóðaröryggi eða almannaeilsu, eins og það er skilgreint í 20. tl. 3. gr. reglugerðar nr. 1212/2007 um för yfir landamæri, eða við alþjóðasamskipti við eitthvert aðildarríkjanna, einkum ef hann er ekki á skrá í landsbundnum gagnagrunnum aðildarríkjanna yfir óæskilega einstaklinga sem synja á um komu af sömu ástæðum,
- e) að umsækjandi hafi gilda ferðasjúkratryggingu, þar sem við á.

Þar sem við á, skal kanna lengd fyrri og fyrirhugaðra heimsókna til að sannprófa að umsækjandi hafi ekki farið yfir hámarks lengd heimilaðrar dvalar á yfirráðasvæði aðildarríkjanna, án tillits til dvalar sem kann að hafa verið heimiluð skv. landsbundinni vegabréfsáritun til langrar dvalar eða dvalarleyfi sem annað aðildarríki gefur út.

Framfærslukostnaður vegna fyrirhugaðrar dvalar skal metinn í samræmi við lengd og tilgang ferðarinnar og með tilvísun til meðalverðs í hlutaðeigandi aðildarríki eða -ríkjum, miðað við ódýra gistingu og fæði, margfaldað með fjölda daga sem dvalist er, á grundvelli viðmiðunarfrjárhæða sem aðildarríkin ákveða í samræmi við c-lið 1. mgr. 34. gr. reglugerðar Evrópuþingsins og ráðsins (EB) nr. 562/2006 um för yfir landamæri. Sönnun fyrir því að einhver ábyrgist framfærslu umsækjanda og/eða gistingu hans í heimahúsi getur einnig talist sönnun á nægu framfærslufé við heildarmat á umsókn um vegabréfsáritun.

Við meðferð umsóknar um vegabréfsáritun til gegnumferðar um flughöfn skal einkum sannprófa:

- a) að ferðaskilríkin, sem framvísað er, séu ekki grunnfölsuð, breytifölsuð eða fölsuð á annan hátt,
- b) brottfarar- og ákvörðunarstað hlutaðeigandi ríkisborgara þriðja ríkis og hvort gegnumferðin um flughöfn samræmist fyrirhugaðri ferðaleið,
- c) sönnun um áframhaldandi för til lokaákvörðunarstaðar.

Meðferð umsóknar skal einkum byggjast á að skjöl, sem lögð eru fram, séu bæði ósvikin og áreiðanleg og á sannleiksgildi og áreiðanleika framburðar umsækjanda.

Meðan á meðferð umsóknar stendur er ræðisskrifstofum heimilt, þegar ástæða þykir til, að kalla umsækjanda í viðtal og fara fram á að hann leggi fram viðbótargögn.

Þótt áður hafi verið synjað um vegabréfsáritun skal það ekki leiða til þess að nýrri umsókn verði synjað sjálfkrafa. Ný umsókn skal metin á grundvelli allra fyrirbyggjandi upplýsinga.

22. gr.

Fyrirframsamráð við miðlæg stjórnvöld annarra aðildarríkja.

Aðildarríki getur farið fram á að miðlæg stjórnvöld annarra aðildarríkja hafi samráð við miðlæg stjórnvöld þess við meðferð umsókna frá ríkisborgurum tiltekinna þriðju ríkja eða tiltekinna hópa

þeirra. Slíkt samráð á ekki við þegar um er að ræða umsóknir um vegabréfsáritun til gegnumferðar um flughöfn. Útlendingastofnun er miðlægt stjórnvald og fer með samráð við önnur aðildarríki á grundvelli þessarar greinar.

23. gr.

Ákvörðun um umsókn.

Taka skal ákvörðun um umsókn innan 15 almanaksdaga frá þeim degi sem umsókn, sem telst tæk skv. 19. gr., er lögð fram.

Í einstaka tilvikum er heimilt að lengja það tímabil í allt að 30 almanaksdaga að hámarki, einkum þegar frekari athugun á umsókn er þörf eða þegar um er að ræða fyrirsvar þar sem hafa þarf samráð við yfirvöld í aðildarríkjunum sem njóta fyrirsvars.

Í undantekningartilvikum, þegar þörf er á viðbótargögnum, er heimilt að lengja tímabilið í allt að 60 almanaksdaga að hámarki.

Hafi umsókn ekki verið dregin til baka skal tekin ákvörðun um að:

- a) gefa út samræmda vegabréfsáritun í samræmi við 24. gr.,
- b) gefa út vegabréfsáritun með takmarkað gildissvæði í samræmi við 25. gr.,
- c) synja um vegabréfsáritun í samræmi við 32. gr. eða
- d) hætta meðferð umsóknar og afhenda hana viðkomandi yfirvöldum í aðildarríkinu, sem nýtur fyrirsvars, í samræmi við 2. mgr. 8. gr.

Þótt ekki sé hægt að taka fingraför af umsækjanda af líkamlegum orsökum, í samræmi við b-lið 7. mgr. 13. gr., hefur það ekki áhrif á hvort vegabréfsáritun er veitt eða synjað um hana.

IV. KAFLI

Útgáfa vegabréfsáritunar.

24. gr.

Útgáfa samræmdrar vegabréfsáritunar.

Gildistími vegabréfsáritunar og lengd heimilaðrar dvalar skal byggjast á meðferðinni sem fram fer í samræmi við 21. gr.

Heimilt er að gefa út vegabréfsáritun fyrir eina eða fleiri komur. Gildistími skal ekki vera lengri en fimm ár.

Ef um er að ræða gegnumferð skal lengd heimilaðrar dvalar samsvara þeim tíma sem nauðsynlegur er til gegnumferðarinnar.

Með fyrirvara um a-lið 12. gr. skal gildistími vegabréfsáritana vera 15 dögum lengri en dagafjöldi heimilaðrar dvalar.

Heimilt er að veita ekki slíkan 15 daga viðbótartíma með vísan til allsherjarreglu eða vegna alþjóðasamskipta einhverra aðildarríkjanna.

Með fyrirvara um a-lið 12. gr. skulu vegabréfsáritanir fyrir margar komur gefnar út með gildistímann frá sex mánuðum til fimm ára, ef eftirfarandi skilyrðum er fullnægt:

- a) umsækjandi sýnir fram á þá þörf eða rökstyður þá fyrirætlun sína að ferðast oft og/eða reglulega, einkum vegna starfs síns eða fjölskylduaðstæðna, s.s. ef um er að ræða kaupskýslumenn, opinbera starfsmenn sem eru að staðaldri í opinberum tengslum við aðildarríki og stofnanir Evrópusambandsins, fulltrúa borgaralegra samfélagsstofnana, sem ferðast í því skyni að afla sér menntunar og taka þátt í málstofum og ráðstefnum, aðstandendur íslenskra ríkisborgara eða EES- eða EFTA-útlendinga, aðstandendur ríkisborgara þriðju ríkja sem dveljast löglega í aðildarríkjunum og sjómenn,
- b) umsækjandi sýnir fram á ráðvendni sína og áreiðanleika, einkum að því er varðar löglega notkun fyrri samræmdra vegabréfsáritana eða áritana með takmarkað gildissvæði, fjárhagsstöðu sína í upprunalandinu og að það sé einlægur ásetningur hans að fara frá yfirráðasvæði aðildarríkjanna áður en vegabréfsáritunin, sem sótt er um, rennur út.

25. gr.

Útgáfa vegabréfsáritunar með takmarkað gildissvæði.

Heimilt er að gefa út vegabréfsáritun sem gildir einungis fyrir Ísland þegar:

- a) það er talið nauðsynlegt af mannúðarástæðum, í þágu þjóðarhagsmuna eða vegna alþjóðlegra skuldbindinga að:
- i. gera undanþágu frá þeirri meginreglu að viðkomandi verði að uppfylla komuskilyrðin, sem mælt er fyrir um í a-, c-, d- og e-lið 1. mgr. 5. gr. reglugerðar nr. 1212/2007 um för yfir landamæri,
 - ii. gefa út vegabréfsáritun þrátt fyrir að aðildarríkið, sem samráð var haft við í samræmi við 22. gr., mæli gegn útgáfu samræmdrar vegabréfsáritunar eða
 - iii. gefa út vegabréfsáritun af áriðandi ástæðum, þrátt fyrir að fyrirframsamráð skv. 22. gr. hafi ekki farið fram,
- eða
- b) ef, af ástæðum sem ræðisskrifstofan telur réttlætanager, gefin er út ný vegabréfsáritun vegna dvalar á sama sex mánaða tímabili og umsækjandinn hefur þegar notað samræmda vegabréfsáritun eða vegabréfsáritun með takmarkað gildissvæði sem heimilur þriggja mánaða dvöl.

Vegabréfsáritun með takmarkað gildissvæði skal gilda á yfirráðasvæði aðildarríkisins sem gefur hana út. Í undantekningartilvikum getur slík áritun gilt á yfirráðasvæðum fleiri en eins aðildarríkis, að fengnu samþykki hvers og eins þeirra.

Ef umsækjandi er handhafi ferðaskilríkja sem eitt eða fleiri aðildarríki, en þó ekki öll, viðurkenna ekki, skal gefa út vegabréfsáritun sem gildir fyrir yfirráðasvæði þeirra aðildarríkja sem viðurkenna ferðaskilríkin. Viðurkenni útgáfu aðildarríkið ekki ferðaskilríki umsækjanda skal vegabréfsáritunin, sem það gefur út, einungis gilda í því aðildarríki.

Hafi vegabréfsáritun sem gildir einungis fyrir Ísland verið gefin út á grundvelli a-liðar 1. mgr., skal Útlendingastofnun miðla viðeigandi upplýsingum til miðlægra stjórnvalda hinna aðildarríkjanna tafarlaust.

Þegar tekin hefur verið ákvörðun um útgáfu vegabréfsáritunar samkvæmt 1. mgr. skulu nauðsynlegar upplýsingar skráðar inn í upplýsingakerfi um vegabréfsáritanir.

26. gr.

Útgáfa vegabréfsáritunar til gegnumferðar um flughöfn.

Vegabréfsáritun til gegnumferðar um flughöfn gildir til gegnumferðar um alþjóðleg gegnumferðarsvæði íslenskra flughafna.

Með fyrirvara um a-lið 12. gr. skal gildistími vegabréfsáritunarinnar vera 15 dögum lengri en dagafjöldi heimilaðrar dvalar. Heimilt er að veita ekki slíkan frest með vísan til allsherjarreglu eða vegna alþjóðasamskipta einhverra aðildarríkjanna.

Með fyrirvara um a-lið 12. gr. er heimilt að gefa út vegabréfsáritanir til margra gegnumferða um flughöfn með sex mánaða gildistíma að hámarki.

Eftirfarandi viðmiðanir skipta einkum máli þegar tekin er ákvörðun um útgáfu vegabréfsáritunar til margra gegnumferða um flughöfn:

- a) þörf umsækjanda á gegnumferð oft og/eða reglulega og
- b) ráðvendni og áreiðanleiki umsækjanda, einkum lögleg notkun fyrri samræmdra vegabréfsáritana, vegabréfsáritana með takmarkað gildissvæði eða vegabréfsáritana til gegnumferðar um flugvöll, fjárhagsstaða hans í upprunalandinu og einlægur ásetningur hans um áframhaldandi för.

Ef gerð er krafa um að umsækjandi hafi vegabréfsáritun til gegnumferðar um flughöfn, í samræmi við ákvæði 2. mgr. 3. gr., skal slík vegabréfsáritun til gegnumferðar um flughöfn einungis gilda til gegnumferðar um alþjóðleg gegnumferðarsvæði íslenskra flughafna.

Þegar tekin hefur verið ákvörðun um útgáfu vegabréfsáritunar samkvæmt 1. mgr. skulu nauðsynlegar upplýsingar skráðar inn í upplýsingakerfi um vegabréfsáritanir.

27. gr.

Vegabréfsáritunarmiðiðinn fylltur út.

Þegar vegabréfsáritunarmiði er fylltur út skal færa inn skyldubundnu færslurnar, sem fram koma í VII. viðauka reglugerðar Evrópuþingsins og ráðsins (EB) nr. 810/2009 um Bandalagsreglur um

vegabréfsáritanir og fylla út tölvulesanlega svæðið, eins og kveðið er á um í 2. hluta skjals Alþjóðaflugmálastofnunarinnar nr. 9303.

Aðildarríkjunum er heimilt að setja inn athugasemdir eigin ríkis í þann hluta vegabréfsáritunarmiðans sem ætlaður er fyrir athugasemdir, enda séu þær ekki endurtekning á skyldubundnu færslunum í VII. viðauka reglugerðar Evrópuþingsins og ráðsins (EB) nr. 810/2009 um Bandalagsreglur um vegabréfsáritanir.

Allar færslur á vegabréfsáritunarmiða skulu prentaðar og óheimilt er að færa handvirkt inn breytingar á prentaðan vegabréfsáritunarmiða.

Einungis er heimilt að fylla vegabréfsáritunarmiða út handvirkt ef um óviðráðanleg tæknileg atvik er að ræða. Á vegabréfsáritunarmiða, sem fylltur hefur verið út handvirkt, má ekki gera breytingar.

Ef vegabréfsáritunarmiði er fylltur út handvirkt í samræmi við 4. mgr. þessarar greinar skal færa upplýsingar um það inn í upplýsingakerfi um vegabréfsáritanir.

28. gr.

Ógilding vegabréfsáritunarmiða.

Ef villa uppgötvast á vegabréfsáritunarmiða, sem enn hefur ekki verið festur í ferðaskilríki, skal ógilda miðann.

Ef villa uppgötvast eftir að vegabréfsáritunarmiðinn hefur verið festur í ferðaskilríkin skal ógilda miðann með því að setja kross yfir hann með skjalableki og festa nýjan vegabréfsmiða á aðra blaðsíðu.

Ef villa uppgötvast eftir að viðkomandi gögn hafa verið færð inn í upplýsingakerfið um vegabréfsáritanir skal leiðrétta hana svo fljótt sem verða má.

29. gr.

Festing vegabréfsáritunarmiða.

Vegabréfsáritunarmiða, sem búið er að prenta þær upplýsingar á sem kveðið er á um í 27. gr., skal festa í ferðaskilríki í samræmi við ákvæði VIII. viðauka reglugerðar Evrópuþingsins og ráðsins (EB) nr. 810/2009 um Bandalagsreglur um vegabréfsáritanir.

Séu ferðaskilríki umsækjanda ekki viðurkennd á Íslandi skal nota laust blað til að festa vegabréfsáritun á.

Ef vegabréfsáritunarmiði hefur verið festur á laust blað, sem er ætlað til þess að festa vegabréfsáritun á, skal færa upplýsingar um það inn í upplýsingakerfi um vegabréfsáritanir.

Stakar vegabréfsáritanir, sem gefnar eru út til handa einstaklingum sem eru skráðir í ferðaskilríki umsækjanda, skal festa í þau ferðaskilríki.

Séu ferðaskilríkin, sem slíkir einstaklingar eru skráðir í, ekki viðurkennd hér á landi, skulu stöku vegabréfsáritunarmiðarnir festir á laus blöð til að festa á vegabréfsáritun.

30. gr.

Réttur sem útgefin vegabréfsáritun veitir.

Samræmd vegabréfsáritun eða vegabréfsáritun með takmarkað gildissvæði veitir ekki sjálfkrafa rétt til komu til Íslands.

31. gr.

Upplýsingar frá miðlægum stjórnvöldum annarra aðildarríkja.

Aðildarríki getur farið fram á að miðlægum stjórnvöldum þess sé tilkynnt um vegabréfsáritanir, sem ræðisskrifstofur annarra aðildarríkja gefa út til handa ríkisborgurum tiltekinna þriðju ríkja eða tiltekinna hópa þeirra, nema þegar um er að ræða vegabréfsáritanir til gegnumferðar um flughöfn.

32. gr.

Vegabréfsáritun synjað.

Með fyrirvara um 1. mgr. 25. gr. skal synjað um vegabréfsáritun í eftirfarandi tilvikum:

a) ef umsækjandi:

i. framvísar ferðaskilríkjum sem eru grunnfölsuð, breytifölsuð eða fölsuð á annan hátt,

- ii. getur ekki fært rök fyrir tilgangi og skilyrðum fyrirhugaðrar dvalar sinnar,
 - iii. færir ekki sönnur á að hann hafi nægt fé sér til framfærslu, bæði meðan á fyrirhugaðri dvöl stendur og til þess að snúa aftur til uppruna- eða búsetulands síns eða til gegnumferðar um þriðja ríki, sem víst þykir að honum verði hleypt inn í, eða að hann sé í aðstöðu til að útvega sér slíkt fé á lögmætan hátt,
 - iv. hefur þegar dvalið í þrjá mánuði á sex mánaða tímabili á yfirráðasvæði aðildarríkjanna, á grundvelli samræmdrar vegabréfsáritunar eða vegabréfsáritunar með takmarkað gildissvæði,
 - v. er á skrá í Schengen-upplýsingakerfinu yfir óæskilega einstaklinga sem synja á um komu,
 - vi. er talinn vera ógnun við allsherjarreglu, innra öryggi eða almannaeheilsu, eins og skilgreint er í 20. tl. 3. gr. reglugerðar nr. 1212/2007 um för yfir landamæri, eða við alþjóðasamskipti í einhverju aðildarríkjanna, einkum ef hann er á skrá í landsbundnum gagnagrunnum aðildarríkjanna yfir óæskilega einstaklinga sem synja á um komu af sömu ástæðum, eða
 - vii. leggur ekki fram sönnun fyrir því að hann sé handhafi gildrar ferðasjúkratryggingar, þar sem við á, eða
- b) ef rökstudd ástæða er til að draga í efa að fylgiskjöl, sem umsækjandi leggur fram, séu ósvikin eða að innihald þeirra sé rétt, eða áreiðanleika framburðar umsækjanda eða ásetning hans að fara frá yfirráðasvæði aðildarríkjanna áður en vegabréfsáritunin, sem sótt er um, rennur út.

Umsækjanda skal tilkynnt um ákvörðun um synjun og ástæður fyrir henni á stöðluðu eyðublaði sem sett er fram í viðauka 6.

Heimilt er að kæra synjun um vegabréfsáritun í samræmi við 30. gr. laga um útlendinga nr. 96/2002.

Í þeim tilvikum sem um getur í 2. mgr. 8. gr. skal ræðisskrifstofa aðildarríkisins, sem veitir fyrirsvar, tilkynna umsækjanda um ákvörðun íslenskra stjórnvalda um synjun um vegabréfsáritun og leiðbeina um kæruehimild.

Upplýsingar um synjun vegabréfsáritunar skal færa inn í upplýsingakerfi um vegabréfsáritanir.

V. KAFLI

Breyting á útgefinni vegabréfsáritun.

33. gr.

Framlenging.

Heimilt er að framlengja gildistíma útgefinnar vegabréfsáritunar og/eða lengd dvalartíma sem hún heimilar hafi handhafi hennar fært sönnur á óviðráðanlegar aðstæður eða mannúðarástæður sem koma í veg fyrir að hann geti farið af yfirráðasvæði aðildarríkjanna áður en gildistími vegabréfsáritunarinnar eða dvalartíminn sem hún heimilar rennur út. Slík framlenging skal vera án endurgjalds.

Heimilt er að framlengja gildistíma útgefinnar vegabréfsáritunar og/eða lengd dvalartíma sem hún heimilar hafi handhafi hennar fært sönnur á mikilvægar persónulegar aðstæður sem réttlæta framlengingu á gildistíma eða dvalartíma.

Framlengda vegabréfsáritunin skal hafa sama gildissvæði og upprunalega vegabréfsáritunin nema stjórnvald það, sem framlengir vegabréfsáritunina, ákveði annað.

Íslenskum stjórnvöldum er heimilt að fara með umsókn um framlengingu vegabréfsáritunar ef umsækjandi er staddur hér á landi þegar umsóknin er lögð fram.

Framlenging vegabréfsáritana skal vera á vegabréfsáritunarmiða sbr. 27. gr.

Upplýsingar um framlengingu vegabréfsáritunar skal færa inn í upplýsingakerfi um vegabréfsáritanir.

34. gr.

Ógilding og afturköllun.

Vegabréfsáritun skal ógilda ef í ljós kemur að skilyrði fyrir útgáfu hennar voru ekki uppfyllt þegar hún var gefin út, einkum ef rík ástæða er til að ætla að vegabréfsáritunin sé fengin með

sviksamlegum hætti. Vegabréfsáritun skal að jafnaði ógilt af lögbærum yfirvöldum aðildarríkisins sem gaf hana út. Lögbærum yfirvöldum annars aðildarríkis er heimilt að ógilda vegabréfsáritun og skal þá yfirvöldum aðildarríkisins, sem gaf út vegabréfsáritunina, tilkynnt um ógildingu hennar.

Vegabréfsáritun skal afturkalla ef í ljós kemur að skilyrði fyrir útgáfu hennar eru ekki lengur uppfyllt. Vegabréfsáritun skal að jafnaði afturkölluð af lögbærum yfirvöldum aðildarríkisins sem gaf hana út. Lögbærum yfirvöldum annars aðildarríkis er heimilt að afturkalla vegabréfsáritun og skal þá yfirvöldum aðildarríkisins, sem gaf út vegabréfsáritunina, tilkynnt um slíka afturköllun.

Heimilt er að afturkalla vegabréfsáritun að beiðni handhafa hennar. Tilkynna skal lögbærum yfirvöldum aðildarríkjanna, sem gáfu út vegabréfsáritunina, um slíka afturköllun.

Þótt handhafi vegabréfsáritunar geti ekki framvísað einu eða fleiri af þeim fylgiskjöllum, sem um getur í 3. mgr. 14. gr., við landamæri leiðir það ekki sjálfkrafa til þess að ákvörðun verði tekin um að ógilda eða afturkalla vegabréfsáritun.

Þegar vegabréfsáritun er ógilt eða afturkölluð skal stimpla hana með orðunum „ÓGILT“ („ANNULLED“) eða „AFTURKALLAÐ“ („REVOKED“) og ógilda hinn ljósfræðilega breytilega þátt vegabréfsáritunarmiðans, öryggisþáttinn „dulin myndhrif“ og orðið „vegabréfsáritun“ („visa“) með því að setja kross yfir þau.

Umsækjanda skal tilkynnt um ákvörðun um ógildingu eða afturköllun vegabréfsáritunar og ástæður fyrir henni á stöðluðu eyðublaði sem sett er fram í viðauka 6.

Handhafa vegabréfsáritunar, sem ógilt hefur verið eða afturkölluð, er heimilt að kæra ákvörðunina nema vegabréfsáritunin hafi verið afturkölluð að beiðni hans í samræmi við 3. mgr. Kærum skal beint gegn aðildarríkinu sem tók ákvörðun um ógildingu eða afturköllun og um þær skal fara að landslögum þess aðildarríkis. Um kæru á ákvörðun íslenskra stjórnvalda um ógildingu eða afturköllun fer samkvæmt 30. gr. laga um útlendinga nr. 96/2002. Upplýsa skal umsækjanda um málsmeðferð þá sem fylgja ber við kæru og tilgreind er í viðauka 6.

Upplýsingar um ógildingu eða afturköllun vegabréfsáritunar skal færa inn í upplýsingakerfi um vegabréfsáritanir.

VI. KAFLI

Útgáfa vegabréfsáritana á ytri landamærunum.

35. gr.

Umsókn vegabréfsáritana á ytri landamærum.

Í undantekningartilvikum er heimilt að gefa út vegabréfsáritanir á landamærastöðvum að uppfylltum eftirfarandi skilyrðum:

- umsækjandi uppfyllir skilyrðin sem mælt er fyrir um í a-, c-, d- og e-lið 1. mgr. 5. gr. reglugerðar nr. 1212/2007 um för yfir landamæri,
- umsækjandi var ekki í aðstöðu til að sækja um vegabréfsáritun fyrirfram og leggur fram gögn til staðfestingar á ófyrirsjáanlegum og brýnum ástæðum fyrir komu, ef um það er beðið, og
- talið er öruggt að umsækjandi komist aftur til uppruna- eða búsetulands síns eða áfram í gegnum önnur ríki en þau aðildarríki þar sem Schengen-gerðirnar hafa komið til framkvæmda að fullu.

Ef sótt er um vegabréfsáritun á ytri landamærum er heimilt að gera undanþágu frá kröfunni um að umsækjandi sé handhafi ferðasjúkratryggingar standi slík ferðasjúkratrygging ekki til boða á þeirri landamærastöð eða af mannúðarástæðum.

Vegabréfsáritun, sem gefin er út á ytri landamærum, skal vera samræmd vegabréfsáritun sem heimilar handhafa að hámarki 15 daga dvöl, eftir tilgangi og skilyrðum fyrirhugaðrar dvalar. Ef um gegnumferð er að ræða skal lengd heimilaðrar dvalar samsvara þeim tíma sem nauðsynlegur er til gegnumferðarinnar.

Ef skilyrðin, sem mælt er fyrir um í a-, c-, d- og e-lið 1. mgr. 5. gr. reglugerðar um för yfir landamæri, eru ekki uppfyllt getur stjórnvald, sem annast útgáfu vegabréfsáritana á landamærum, gefið út vegabréfsáritun sem gildir einungis fyrir Ísland, í samræmi við a-lið 1. mgr. 25. gr. þessarar reglugerðar.

Ekki er heimilt að gefa út vegabréfsáritun til ríkisborgara þriðja ríkis ef hafa þarf samráð fyrirfram, í samræmi við 22. gr., við eitthvert aðildarríkjanna sem árituninni er ætlað að gilda fyrir. Þó er heimilt, í undantekningartilvikum, að gefa út vegabréfsáritun sem einungis gildir fyrir Ísland á ytri landamærum séu skilyrði a-liðar 1. mgr. 25. gr. fyrir hendi.

Til viðbótar við þær ástæður til synjunar vegabréfsáritunar, sem kveðið er á um í a-lið 1. mgr. 32. gr., skal synja um vegabréfsáritun á landamærastöð ef skilyrðin, sem um getur í b-lið 1. mgr. þessarar greinar, eru ekki uppfyllt.

Ákvæði 3. mgr. 32. gr. og viðauka 6 um rök fyrir og tilkynningu um synjun og um kæruehimild skulu gilda.

36. gr.

Útgáfa vegabréfsáritana til handa sjómönnum í gegnumferð á ytri landamærum.

Heimilt er að gefa út á landamærum vegabréfsáritun til gegnumferðar til handa sjómanni sem fellur undir kvöð um vegabréfsáritun þegar hann fer yfir ytri landamæri aðildarríkjanna ef:

- a) hann uppfyllir skilyrðin í 1. mgr. 35. gr. og
- b) hann fer yfir viðkomandi landamæri í þeim tilgangi að fara um borð í skip sem hann er að hefja störf á sem sjómaður eða til að snúa aftur um borð í skip eða fara endanlega frá borði skips sem hann hefur starfað á sem sjómaður.

Áður en gefin er út vegabréfsáritun á landamærum til handa sjómanni í gegnumferð skulu stjórnvöld fara að reglunum í 1. hluta 7. viðauka og sjá til þess að skipst hafi verið á nauðsynlegum upplýsingum varðandi hlutaðeigandi sjómann með tilhlýðilega útfylltu eyðublaði fyrir sjómenn í gegnumferð sem sett er fram í 2. hluta 7. viðauka.

Þetta ákvæði gildir með fyrirvara um ákvæði 3., 4. og 5. mgr. 35. gr.

IV. HLUTI

Rekstur stjórnýslu og skipulag.

37. gr.

Skipulag vegabréfsáritanadeilda.

Þegar utanríkisráðuneytið felur íslenskum ræðisskrifstofum að annast útgáfu vegabréfsáritana, semur við utanaðkomandi þjónustuaðila eða milliliði í öðrum ríkjum, eða felur kjöræðismönnum að annast um tiltekin verkefni vegna móttöku umsókna um vegabréfsáritanir og tekur þátt í staðbundnu samstarfi ræðisskrifstofa aðildarríkja gilda ákvæði 37. – 45. gr. og 48. gr. reglugerðar Evrópuþingsins og ráðsins (EB) nr. 810/2009 um Bandalagsreglur um vegabréfsáritanir um þá starfsemi.

38. gr.

Samantekt tölulegra upplýsinga.

Útlendingastofnun skal árlega taka saman tölulegar upplýsingar um vegabréfsáritanir í samræmi við töfluna í XII. viðauka reglugerðar Evrópuþingsins og ráðsins (EB) nr. 810/2009 um Bandalagsreglur um vegabréfsáritanir og senda upplýsingarnar til dómsmála- og mannréttindaráðuneytisins, utanríkisráðuneytisins og til framkvæmdastjórnar Evrópusambandsins. Þessar tölulegu upplýsingar skulu lagðar fram fyrir 1. mars fyrir næstliðið almanaksár.

39. gr.

Upplýsingar til almennings.

Útlendingastofnun og ræðisskrifstofur sem utanríkisráðuneytið felur útgáfu vegabréfsáritana skulu veita almenningsi allar viðeigandi upplýsingar í tengslum við umsókn um vegabréfsáritun, einkum um:

- a) viðmiðanir, skilyrði og málsmeðferð við umsókn vegabréfsáritunar,
- b) hvernig panta má viðtalstíma, ef við á,
- c) hvar leggja má fram umsókn (á þar til bærri ræðisskrifstofu, í sameiginlegri umsóknarmiðstöð eða hjá utanaðkomandi þjónustuaðila),
- d) viðurkennd fyrirtæki sem starfa sem milliliðir,
- e) þá staðreynd að stimpillinn, sem kveðið er á um í 20. gr. hefur engin bein réttaráhrif,

- f) fresti til meðferðar á umsóknum, sem kveðið er á um í 1., 2. og 3. mgr. 23. gr.,
- g) þriðju ríki þar sem hafa þarf fyrirframsamráð vegna ríkisborgara eða sérstakra hópa þeirra eða veita upplýsingar um þá,
- h) að tilkynna verði umsækjanda um neikvæða ákvörðun, að gefa verði upp ástæður sem liggja til grundvallar synjuninni og að umsækjendur hafi málskotsrétt ef umsóknum þeirra er synjað, auk upplýsinga um málsmeðferð þá sem fylgja ber við kæru, hvaða yfirvald telst vera lögbært yfirvald og um frest til að leggja fram kærana,
- i) að vegabréfsáritunin ein veiti ekki sjálfkrafa rétt til komu og að handhafar vegabréfsáritunar þurfi að leggja fram sönnun þess að þeir uppfylli komuskilyrði við ytri landamærin sem kveðið er á um í 5. gr. reglugerðar nr. 1212/2007 um för yfir landamæri.

Aðildarríkið sem veitir fyrirsvor og aðildarríkið sem nýtur fyrirsvors skulu tilkynna almenningi um samkomulag um fyrirsvor, eins og um getur í 8. gr. áður en það öðlast gildi.

V. HLUTI

Lokaákvæði.

40. gr.

Fyrirkomulag í tengslum við Ólympíuleikana og Ólympíuleika fatlaðra.

Aðildarríki, sem halda Ólympíuleikana og Ólympíuleika fatlaðra, skulu beita sértæku málsmeðferðinni og skilyrðunum til að greiða fyrir útgáfu vegabréfsáritana sem sett eru fram í viðauka 8.

41. gr.

Tilkynningar.

Útlendingastofnun skal tilkynna framkvæmdastjórn Evrópusambandsins um:

- a) samkomulag varðandi fyrirsvor sem um getur í 8. gr.,
- b) þriðju ríki hverra ríkisborgurum er skylt að hafa vegabréfsáritun til gegnumferðar um flughöfn þegar þeir fara um alþjóðleg gegnumferðarsvæði flughafna sem eru á yfirráðasvæði aðildarríkjanna, eins og um getur í 3. gr.,
- c) íslenskt eyðublað fyrir sönnun á að einhver ábyrgist framfærslu hlutaðeigandi og/eða gistingu í heimahúsi, sem um getur í 4. mgr. 14. gr., ef við á,
- d) lista yfir þriðju ríki sem falla undir kröfu um fyrirframsamráð, eins og um getur í 22. gr.,
- e) lista yfir þriðju ríki, sem falla undir kröfu um upplýsingar, eins og um getur í 31. gr.,
- f) viðbótarathugasemdir Íslands í þann hluta vegabréfsáritunarmiðans sem ætlaður er fyrir athugasemdir, eins og um getur í 2. mgr. 27. gr.,
- g) lögbær yfirvöld til að framlengja vegabréfsáritanir á Íslandi,
- h) það fyrirkomulag samstarfs sem valið er, eins og um getur í 40. gr. reglugerðar Evrópuþingsins og ráðsins (EB) nr. 810/2009 um Bandalagsreglur um vegabréfsáritanir, sbr. 37. gr.,
- i) tölulegar upplýsingar sem teknar eru saman í samræmi við 46. gr. og XII. viðauka reglugerðar Evrópuþingsins og ráðsins (EB) nr. 810/2009 um Bandalagsreglur um vegabréfsáritanir.

42. gr.

Gildistaka.

Reglugerð þessi, sem innleiðir ákvæði reglugerðar Evrópuþingsins og ráðsins (EB) nr. 810/2009 um Bandalagsreglur um vegabréfsáritanir, er sett með heimild í 3. og 7. mgr. 6. gr. og 58. gr. laga um útlendinga nr. 96/2002 og öðlast þegar gildi. Við gildistöku hennar falla úr gildi ákvæði 16.-27. gr. reglugerðar um útlendinga nr. 53/2003 sem og viðaukar hennar númer 3, 4, 5 og 6.

Ákvæði 2. mgr. 32. gr., 6. mgr. 34. gr. og 7. mgr. 35. gr. koma til framkvæmda frá 5. apríl 2011.

Dómsmála- og mannréttindaráðuneytinu, 10. desember 2010.

Ögmundur Jónasson.

Kristrún Kristinsdóttir.

VIÐAUKI 1
Samræmt umsóknareyðublað.

--

Umsókn um Schengen-vegabréfsáritun

Umsóknareyðublaðið er án endurgjalds

Mynd

1. Kenn nafn (x)				Einungis til opinberra nota Dagsetning umsóknar: Númer umsóknar um vegabréfsáritun: Umsókn lögð fram: <input type="checkbox"/> hjá sendiráði/ræðis-skrifstofu <input type="checkbox"/> hjá sameiginlegri umsóknarmiðstöð <input type="checkbox"/> hjá þjónustuaðila <input type="checkbox"/> hjá fyrirtæki sem starfar sem milliliður <input type="checkbox"/> á landamærum Heiti: <input type="checkbox"/> annars staðar Meðferð umsóknar annaðist: Fylgiskjöl: <input type="checkbox"/> ferðaskilríki <input type="checkbox"/> skjöl sem sýna fram á framfærslufé <input type="checkbox"/> boðsbréf <input type="checkbox"/> skjöl sem sýna fram á ferðamáta <input type="checkbox"/> ferðasjúkratrygging <input type="checkbox"/> önnur Ákvörðun um vegabréfsáritun: <input type="checkbox"/> synjað <input type="checkbox"/> gefin út: <input type="checkbox"/> A
2. Kenn nafn við fæðingu (fyrra kenn nafn/-nöfn) (x)				
3. Eiginnafn/-nöfn (x)				
4. Fæðingardagur og -ár (dagur- mánuður-ár)	5. Fæðingarstaður	7. Núverandi ríkisfang Ríkisfang við fæðingu (ef annað):		
6. Fæðingarland				
8. Kyn <input type="checkbox"/> karl <input type="checkbox"/> kona		9. Hjúskaparstaða <input type="checkbox"/> einhleyp/-ur <input type="checkbox"/> gift/-ur <input type="checkbox"/> skilin/-n að borði og sæng <input type="checkbox"/> fráskilin/-n <input type="checkbox"/> ekkja/ekkill <input type="checkbox"/> önnur (tilgreinið)		
10. Ef um er að ræða börn undir lögaldri: kenn nafn, eiginnafn, heimilisfang (ef annað en umsækjanda) og ríkisfang forráðamanns/lögráðamanns				
11. Innlent kenninúmer, þar sem við á				
12. Tegund ferðaskilríkja <input type="checkbox"/> Almennt vegabréf <input type="checkbox"/> Diplómatiskt vegabréf <input type="checkbox"/> Þjónustuvegabréf <input type="checkbox"/> Embættisvegabréf (e. Official passport) <input type="checkbox"/> Sérstakt vegabréf <input type="checkbox"/> Önnur ferðaskilríki (tilgreinið)				
13. Númer ferðaskilríkja	14. Útgáfudagur	15. Gilda til	16. Gefin út af	
17. Heimilisfang og tölvupóstfang umsækjanda		Símanúmer		
18. Er viðkomandi búsettur í öðru ríki en því þar sem hann hefur ríkisfang? <input type="checkbox"/> Nei <input type="checkbox"/> Já. Dvalarleyfi eða jafngildi þess nr.Gildir til				
*19. Núverandi starf				
*20. Vinnuveitandi, heimilisfang vinnuveitanda og símanúmer. Ef um námsmenn er að ræða, heiti og heimilisfang menntastofnunar.				

21. Megintilgangur ferðar (einn eða fleiri): <input type="checkbox"/> Skoðunarferð <input type="checkbox"/> Viðskiptaferð <input type="checkbox"/> Heimsókn til ættingja eða vina <input type="checkbox"/> Menningarferð <input type="checkbox"/> Íþróttuferð <input type="checkbox"/> Opinber heimsókn <input type="checkbox"/> Læknisfræðilegar ástæður <input type="checkbox"/> Nám <input type="checkbox"/> Gegnumferð <input type="checkbox"/> Gegnumferð um flughöfn <input type="checkbox"/> Annar (tilgreinið)		<input type="checkbox"/> C <input type="checkbox"/> Vegabréfsáritun með takmarkað gildissvæði <input type="checkbox"/> Gildir: Frá Til Fjöldi koma: <input type="checkbox"/> 1 <input type="checkbox"/> 2 <input type="checkbox"/> Margar Dagafjöldi
22. Aðildarríki (eitt eða fleiri) sem er ákvörðunarstaður	23. Aðildarríki sem fyrst er komið til	
24. Sótt er um vegabréfsáritun fyrir <input type="checkbox"/> eina komu <input type="checkbox"/> tvær komur <input type="checkbox"/> margar komur	25. Lengd fyrirhugaðrar dvalar eða gegnumferðar Tilgreinið dagafjölda	

Aðstandendur ríkisborgara ríkja í Evrópusambandinu, á Evrópska efnahagssvæðinu eða Tékklands (maki, barn eða eldri ættingi á framfæri hlutaðeigandi) þurfa ekki að fylla út reiti merktá með * (stjörnu) þegar þeir nýta sér rétt sinn til frjálsrar farar. Aðstandendur ríkisborgara ríkja í Evrópusambandinu, á Evrópska efnahagssvæðinu eða Tékklands skulu framvísa skjölum sem sýna fram á þessi tengsl og fylla út reiti nr. 34 og 35.

(x) Fyllið út reiti nr. 1–3 í samræmi við upplýsingar sem fram koma í ferðaskilríkjum.

26. Hefur hlutaðeigandi fengið útgefna Schengen-vegabréfsáritun á sl. 3 árum? <input type="checkbox"/> Nei <input type="checkbox"/> Já Gildistími frá til		
27. Hafa fingraför verið tekin áður vegna umsóknar um Schengen-vegabréfsáritun? <input type="checkbox"/> Nei <input type="checkbox"/> Já Dagsetning, ef vitað er		
28. Komuleyfi til ríkis sem er lokaákvörðunarstaður, þar sem við á Gefið út af Gildir frá til		
29. Fyrirhugaður komudagur til Schengen-svæðisins	30. Fyrirhugaður brottfarardagur frá Schengen-svæðinu	
*31. Kenninafn og eiginnafn gestgjafa, eins eða fleiri, í aðildarríki eða -ríkjum. Ef það á ekki við, heiti hótels (eins eða fleiri) eða tímabundinnar gistiþjónustu (einnar eða fleiri) í aðildarríki eða -ríkjum.		
Heimilisfang og tölvupóstfang gestgjafa (eins eða fleiri)/hótels eða hótela/tímabundinnar gistiþjónustu (einnar eða fleiri)	Síma- og bréfasímanúmer	
*32. Heiti og pósthafn gestgjafa sem er félag/stofnun	Síma- og bréfasímanúmer félags/stofnunar	
Kenninafn, eiginnafn, heimilisfang, símanúmer, bréfasímanúmer og tölvupóstfang tengiliðar hjá félaginu/stofnuninni		

*33. Ferðakostnaður og kostnaður við framfærslu umsækjanda meðan á dvöl hans stendur er greiddur af	
<input type="checkbox"/> umsækjanda Framfærslumáti <input type="checkbox"/> reiðufé <input type="checkbox"/> ferðaávisanir <input type="checkbox"/> kreditkort <input type="checkbox"/> fyrirframgreidd gisting <input type="checkbox"/> fyrirframgreiddar ferðir <input type="checkbox"/> annar (tilgreinið)	<input type="checkbox"/> ábyrgðaraðila (gestgjafa, félagi, stofnun), tilgreinið <input type="checkbox"/> sem um getur í reit nr. 31 eða 32 <input type="checkbox"/> öðrum (tilgreinið) Framfærslumáti <input type="checkbox"/> reiðufé <input type="checkbox"/> gisting látin í té <input type="checkbox"/> allur kostnaður við dvöl greiddur <input type="checkbox"/> fyrirframgreiddar ferðir <input type="checkbox"/> annar (tilgreinið)

34. Persónuupplýsingar aðstandanda sem er ríkisborgari ríkis í Evrópusambandinu, á Evrópska efnahagssvæðinu eða Tékklands		
Kenninafn		Eiginnafn eða -nöfn
Fæðingardagur og -ár	Ríkisfang	Númer ferðaskilríkja eða kennivottorðs
35. Fjölskyldutengsl við ríkisborgara ríkis í Evrópusambandinu, á Evrópska efnahagssvæðinu eða Tékklands		
<input type="checkbox"/> maki <input type="checkbox"/> barn <input type="checkbox"/> barnabarn <input type="checkbox"/> eldri ættingi á framfæri hlutaðeigandi		
36. Staður og dagsetning	37. Undirritun (forráðamanns/lögráðamanns ef um er að ræða barn undir lögdri)	

Mér er kunnugt um að gjald fyrir vegabréfsáritun fæst ekki endurgreitt ef umsókninni er synjað.

Eftirfarandi gildir eingöngu ef sótt er um vegabréfsáritun fyrir margar komur (sbr. reit nr. 24):

Mér er kunnugt um nauðsyn þess að hafa fullnægjandi ferðasjúkratryggingu fyrir fyrstu dvöl mína og allar síðari heimsóknir til yfirráðasvæðis aðildarríkjanna.

Mér er kunnugt um eftirfarandi og samþykki að: Söfnun upplýsinganna, sem beðið er um á þessu umsóknareyðublaði, svo og myndataka og, ef við á, taka fingrafara, er skylda vegna meðferðar umsóknar um vegabréfsáritun og hvers konar persónuupplýsingar um mig sem fram koma á umsóknareyðublaðinu um vegabréfsáritun, sem og fingraför og ljósmynd af mér, verða afhent hlutaðeigandi yfirvöldum aðildarríkjanna til meðferðar í því skyni að taka ákvörðun um umsókn mína um vegabréfsáritun.

Þessar upplýsingar, sem og upplýsingar um ákvörðun sem tekin verður um umsókn mína eða ákvörðun um hvort eigi að ógilda, afturkalla eða framlengja útgefna vegabréfsáritun, verða færðar inn í upplýsingakerfið um vegabréfsáritanir (VIS)⁽¹⁾ og geymdar þar í fimm ár að hámarki og verða á því tímabili aðgengilegar yfirvöldum sem gefa út vegabréfsáritanir og lögbærum yfirvöldum til að annast eftirlit með vegabréfsáritunum á ytri landamærum og í aðildarríkjunum, innflytjendayfirvöldum og yfirvöldum hælismála í aðildarríkjunum, í því skyni að sannreyna hvort skilyrði fyrir löglegri komu til og dvöl og búsetu á yfirráðasvæði aðildarríkjanna séu uppfyllt, að bera kennsl á einstaklinga, sem fullnægja ekki eða fullnægja ekki lengur þessum skilyrðum, að taka umsóknir um hæli til meðferðar og ákvarða hver beri ábyrgð á slíkri meðferð. Við tilteknar aðstæður munu tilnefnd yfirvöld aðildarríkjanna og Evrópulögreglan einnig hafa aðgang að upplýsingunum í þeim tilgangi að koma í veg fyrir, koma upp um og rannsaka hryðjuverk og aðra alvarlega, refsiverða verknaði. Yfirvaldið í aðildarríkinu, sem ber ábyrgð á vinnslu gagnanna, er: [...].

Mér er kunnugt um að ég á rétt á, í hvaða aðildarríki sem er, að fá tilkynningu um það hvaða gögn um mig eru skráð í upplýsingakerfið um vegabréfsáritanir og um það hvaða aðildarríki sendi gögnin, sem og á að fara fram á að röng gögn um mig séu leiðrétt og að gögnum um mig, sem unnin eru á ólögmatan hátt, sé eytt. Fari ég gagnert fram á það, munu yfirvöldin, sem annast meðferð umsóknar minnar, upplýsa mig um það hvernig ég get nýtt mér rétt minn til að skoða persónuupplýsingar um mig og láta leiðrétt þær eða eyða þeim, þ.m.t. tengd úrræði samkvæmt landslögum hlutaðeigandi ríkis. Innlent eftirlitsyfirvald þess aðildarríkis [samskiptaupplýsingar] tekur kærur varðandi vernd persónuupplýsinga til meðferðar.

Ég lýsi því yfir að allar upplýsingar, sem ég hef látið í té, eru réttar og fullnægjandi samkvæmt minni bestu vitund. Mér er kunnugt um að veiti ég rangar upplýsingar mun það leiða til þess að umsókn minni verður synjað eða útgefin vegabréfsáritun ógild og að slíkt getur leitt til ákæru samkvæmt lögum aðildarríkisins sem annast meðferð umsóknarinnar.

Ég skuldbind mig til að fara frá yferráðasvæði aðildarríkjanna áður en vegabréfsáritunin rennur út, verði hún veitt. Mér hefur verið tilkynnt um að vegabréfsáritun sé einungis ein af forsendunum fyrir komu inn á evrópskt yferráðasvæði aðildarríkjanna. Þó að mér hafi verið veitt vegabréfsáritun merkir það ekki að ég eigi rétt á bótum uppfylli ég ekki viðeigandi ákvæði 1. mgr. 5. gr. reglugerðar (EB) nr. 562/2006 (Schengen-landamærareglurnar) og er synjað um komu af þeim sökum. Forsendur fyrir komu verða kannaðar að nýju við komu til evrópska yferráðsvaldis aðildarríkjanna.

Staður og dagsetning	Undirritun (fórráðamanns/lögráðamanns ef um er að ræða barn undir lögdaldi):
----------------------	---------------------------------------------------------------------------------

⁽¹⁾ Að því marki sem upplýsingakerfið um vegabréfsáritanir hefur verið tekið í notkun.

VIÐAUKI 2
Listi yfir fylgiskjöl (ekki tæmandi).

Fylgiskjölin, sem um getur í 14. gr. og umsækjendur um vegabréfsáritun skulu leggja fram, geta m.a. verið eftirfarandi:

A. Skjöl sem tengjast tilgangi ferðar:

1. þegar um viðskiptaferðir er að ræða:
 - a) boð frá fyrirtæki eða yfirvaldi um þátttöku í fundum, ráðstefnum eða öðrum viðburðum vegna viðskipta, rekstrar eða atvinnu,
 - b) önnur gögn sem sýna fram á viðskiptasambönd eða sambönd vegna atvinnu,
 - c) aðgöngumiðar á kaupstefnur og ráðstefnur, ef við á,
 - d) skjöl er sýna fram á starfsemi félagsins,
 - e) skjöl sem sýna fram á hvaða starfi umsækjandi gegnir innan félagsins,
2. þegar um er að ræða ferðir vegna náms eða annarrar menntunar:
 - a) innritunartorð frá menntastofnun vegna þátttöku í verklegum eða fræðilegum námskeiðum sem tengjast grunnmenntun og framhaldsmenntun,
 - b) námsmannaskírteini eða önnur vottorð um námskeiðin sem verða sótt,
3. þegar um skoðunarferðir eða einkaferðalög er að ræða:
 - a) gögn um gistingu:
 - heimboð gestgjafans, ef dvalið er hjá gestgjafa,
 - gögn frá gististaðnum eða önnur viðeigandi gögn sem sýna fram á fyrirhugaða gistingu,
 - b) gögn sem tengjast ferðaáætlun:
 - staðfesting á bókun frá skipuleggjanda hópferðar eða annað viðeigandi skjal sem sýnir fram á fyrirhugaða ferðaáætlun,
 - ef um er að ræða gegnumferð: vegabréfsáritun eða annað komuleyfi til þriðja ákvörðunarlands; farmiðar fyrir áframhaldandi för,
4. þegar um ferðir vegna viðburða á sviði stjórn mála, vísinda, menningar, íþróttar eða trúarbragða eða af öðrum ástæðum er að ræða:
 - boð, aðgöngumiðar, innritunarskjöl eða dagskrár og skal (eftir því sem unnt er) taka fram atriði á borð við nafn þess sem boðið sendi eða hversu lengi dvölin muni standa eða önnur viðeigandi skjöl sem gefa til kynna tilgang ferðarinnar,
5. þegar um er að ræða ferðir manna í opinberum sendinefndum sem, að fengnu opinberu boði sem beint er til ríkisstjórnar hlutaðeigandi þriðja ríkis, taka þátt í fundum, samráði, samningaviðræðum eða skiptiáætlunum, auk viðburða á vegum milliríkjastofnana á yfirráðasvæði aðildarríkis:
 - bréf, útgefið af yfirvaldi hlutaðeigandi þriðja ríkis, því til staðfestingar að umsækjandi eigi sæti í opinberri sendinefnd og ferðist til yfirráðasvæðis aðildarríkis í því skyni að taka þátt í fyrrnefndum viðburðum, ásamt afriti af hinu opinbera boði,
6. þegar um er að ræða ferðir af læknisfræðilegum ástæðum:
 - opinbert skjal frá sjúkrahúsi þar sem staðfest er þörf á læknishjálpi í þeirri stofnun ásamt sönnun fyrir því að hluteigandi hafi nægt fé til að greiða fyrir læknishjálpinu.

B. Skjöl sem gera kleift að meta ásetning umsækjanda um að fara frá yfirráðasvæði aðildarríkjanna:

1. miði til heimferðar eða hringferðar eða bókun slíks miða,
2. sönnun þess að hlutaðeigandi eigi fé í búsetulandi,
3. sönnun um starf: reikningsyfirlit banka,
4. sönnun þess að hlutaðeigandi eigi fasteign,
5. sönnun þess að hlutaðeigandi hafi aðlagast búsetulandinu: ættartengsl, starfsheiti.

C. Skjöl varðandi fjölskylduhagi umsækjanda:

1. samþykki forráðamanns eða lögráðamanns (ef barn undir lögaldri ferðast án þeirra),
2. sönnun um ættartengsl við gestgjafann.

VIÐAUKI 3

**Samræmt útlit og notkun stimpilsins sem gefur til kynna
að umsókn um vegabréfsáritun sé tæk.**

... vegabréfsáritun ... ⁽¹⁾

xx/xx/xxxx ⁽²⁾ ... ⁽³⁾

Dæmi:

C-vegabréfsáritun FR

22.4.2009

Consulat de France

Djibúti

Stimplað skal á fyrstu auðu og óstimpluðu síðu í ferðaskilríkjunum.

VIÐAUKI 4

Skylda til þess að hafa vegabréfsáritun til gegnumferðar um flughöfn.

Ríkisborgarar eftirtalinna ríkja skulu í gegnumferð um íslenska flughöfn, með eða án þess að skipta um flugvél, vera með gilda íslenska vegabréfsáritun til gegnumferðar um flughöfn, nema þeir séu handhafar dvalarleyfis sem getið er í viðauka 5:

Afganistan

Bangladess

Austur-Kongó

Eritrea

Eþíópía

Gana

Íran

Írak

Nígería

Pakistan

Sómalía

Srí Lanka

⁽¹⁾ Auðkennisstafir aðildarríkisins sem annast meðferð umsóknarinnar. Notaðir eru auðkennisstafirnir í lið 1.1 í VII. viðauka.

⁽²⁾ Umsóknardagur (átta tölustafir: xx dagur, xx mánuður, xxxx ár).

⁽³⁾ Yfirvald sem annast meðferð umsóknar um vegabréfsáritun.

VIÐAUKI 5

Listi yfir dvalarleyfi sem veita handhöfum rétt til gegnumferðar um flughafnir aðildarríkja án vegabréfsáritunar til gegnumferðar um flughöfn.

I.

Ríkisborgarar þeirra ríkja sem talin eru í viðauka 4 og eru handhafar dvalarleyfa sem gefin eru út í Schengen-ríki eða eftirtalinna dvalarleyfa, sem gefin eru út í Bretlandi, Írlandi eða Liechtenstein, eru undanþegnir skyldu til að hafa vegabréfsáritun til gegnumferðar um flughöfn, sbr. 21. gr. reglugerðarinnar:

Bretland:	„Leave to remain in the United Kingdom for an indefinite period“ „Certificate of entitlement to the right of abode“
Írland:	„Residence Permit“ ásamt „re-entry visa“
Liechtenstein:	„Livret pour étranger B“ „Livret pour étranger C“

II.

Ríkisborgarar þeirra ríkja sem talin eru í viðauka 4 og eru handhafar eftirtalinna dvalarleyfa, sem gefin eru út í eftirtöldum ríkjum og viðkomandi hefur heimild til endurkomu til dvalarríkisins, eru undanþegnir skyldu til að hafa vegabréfsáritun til gegnumferðar um flughöfn

ANDORRA:

- Tarjeta provisional de estancia y de trabajo (dvalar- og atvinnuleyfi til bráðabirgða) (hvítt). Slíkt leyfi er veitt launþegum í árstíðabundinni vinnu, gildistími fer eftir lengd ráðningartímans en er þó bundinn við sex mánuði að hámarki. Leyfið er ekki hægt að endurnýja.
- Tarjeta provisional de estancia y de trabajo (dvalar- og atvinnuleyfi) (hvítt). Leyfið er gefið út til sex mánaða og heimilt er að endurnýja það til eins árs til viðbótar.
- Tarjeta de estancia (dvalarleyfi) (hvítt). Leyfið er gefið út til sex mánaða og heimilt er að endurnýja það til eins árs til viðbótar.
- Tarjeta temporal de residencia (tímabundið dvalarleyfi) (bleikt). Leyfið er gefið út til eins árs og heimilt er að endurnýja það tvisvar, til eins árs í hvort skipti.
- Tarjeta ordinaria de residencia (almennt dvalarleyfi) (gult). Leyfið er gefið út til þriggja ára og heimilt er að endurnýja það til þriggja ára til viðbótar.
- Tarjeta privilegiada de residencia (sérstakt dvalarleyfi) (grænt). Leyfið er gefið út til fimm ára og heimilt er að endurnýja það, til fimm ára í senn.
- Autorización de residencia (dvalarheimild) (græn). Heimildin er gefin út til eins árs og heimilt er að endurnýja hana, til þriggja ára í senn.
- Autorización temporal de residencia y de trabajo (tímabundin dvalar- og atvinnuheimild) (bleik). Heimildin er gefin út til tveggja ára og heimilt er að endurnýja hana til tveggja ára til viðbótar.
- Autorización ordinaria de residencia y de trabajo (almenn dvalar- og atvinnuheimild) (gul). Heimildin er gefin út til fimm ára.
- Autorización privilegiada de residencia y de trabajo (sérstök dvalar- og atvinnuheimild) (græn). Heimildin er gefin út til tíu ára og heimilt er að endurnýja hana, til tíu ára í senn.

KANADA

- Permanent resident card (búsetuleyfi) (plastkort).

JAPAN:

- Re-entry permit to Japan (leyfi til endurkomu til Japans).

SAN MARÍNÓ

- Permesso di soggiorno ordinario (validità illimitata) (almennt dvalarleyfi (óbundinn gildistími)).
- Permesso di soggiorno continuativo speciale (validità illimitata) (sérstakt dvalarleyfi (óbundinn gildistími)).
- Carta d'identità de San Marino (validità illimitata) (persónuskilríki frá San Marínó (óbundinn gildistími)).

BANDARÍKI NORÐUR-AMERÍKU:

- Form I-551 permanent resident card (gildistími 2 til 10 ár).
- Form I-551 Alien registration receipt card (gildistími 2-10 ár).
- Form I-551 Alien registration receipt card (óbundinn gildistími).
- Form I-327 Re-entry document (gildistími 2 ár – gefið út fyrir handhafa I-551).
- Resident alien card (gildistími 2 eða 10 ár eða óbundinn. Þessi skilríki eru aðeins fullnægjandi ef handhafi þeirra hefur ekki dvalið utan Bandaríkjanna lengur en eitt ár).
- Permit to re-enter (gildistími 2 ár. Þessi skilríki heimila endurkomu handhafa því aðeins hann hafi ekki dvalið utan Bandaríkjanna lengur en tvö ár).
- Valid temporary residence stamp in a valid passport (gildistími eitt ár frá útgáfudegi).

VIÐAUKI 6
**Staðlað eyðublað til að tilkynna um og rökstyðja synjun,
 ógildingu eða afturköllun vegabréfsáritunar.**

SYNJUN/ÓGILDING/AFTURKÖLLUN VEGABRÉFSÁRITUNAR

Fr./Hr. _____.

- Sendiráð/aðalræðisskrifstofa/ræðisskrifstofa/[annað lögbært yfirvald]
 _____ í _____
 _____ [fyrir hönd (heiti aðildarríkis sem nýtur fyrirsvars)],
- [Annað lögbært yfirvald] _____
- Yfirvöldin sem bera ábyrgð á eftirliti með einstaklingum í _____

hefur/hafa

- tekið umsókn þína um vegabréfsáritun til meðferðar
- farið yfir vegabréfsáritun númer: _____, sem gefin var út:
 _____ [dagur/mánuður/ár].
- Vegabréfsárituninni hefur verið synjað
- Vegabréfsáritunin hefur verið ógilt
- Vegabréfsáritunin hefur verið afturkölluð

Ákvörðunin var tekin á grundvelli eftirfarandi ástæðu/ástæðna:

1. framvísað var ferðaskilríkjum sem voru grunnfölsuð/breytifölsuð/fölsuð á annan hátt,
2. ekki voru færð rök fyrir tilgangi og skilyrðum fyrirhugaðrar dvalar,
3. þú hefur ekki fært sönnur á nægt framfærslufé, hvorki meðan á fyrirhugaðri dvöl stendur né til þess að snúa aftur til uppruna- eða búsetulands eða til gegnumferðar um þriðja ríki sem víst þykir að þér verði hleypt inn í eða þú ert ekki í aðstöðu til að útvega slíkt fé á lögmætan hátt,
4. þú hefur þegar dvalið í þrjá mánuði á sex mánaða tímabili á yfirráðasvæði aðildarríkjanna, á grundvelli samræmdrar vegabréfsáritunar eða vegabréfsáritunar með takmarkað gildissvæði,
5. þú hefur verið sett(ur) á skrá í Schengen-upplýsingakerfinu (SIS) yfir óæskilega einstaklinga sem synja á um komu af _____ (tilgreinið aðildarríki),
6. eitt eða fleiri aðildarríki telja þig vera ógnun við allsherjarreglu, innra öryggi, eða almannaeilsu, eins og skilgreint er í 19. lið 2. gr. reglugerðar (EB) nr. 562/2006 (Schengen-landamæraeglu), eða alþjóðasamskipti eins eða fleiri aðildarríkjanna,
7. ekki voru færðar sönnur fyrir því að viðeigandi og gild ferðasjúkratrygging væri fyrir hendi,
8. upplýsingarnar, sem veittar voru um tilgang og skilyrði fyrirhugaðrar dvalar voru ekki áreiðanlegar,
9. ekki reyndist unnt að staðfesta ásetning þinn um að fara frá yfirráðasvæði aðildarríkjanna áður en vegabréfsáritunin rennur út,
10. í röksemdafærslu fyrir því að sækja um vegabréfsáritun á landamærum voru ekki færðar fullnægjandi sönnur þess að þú hafir ekki verið í aðstöðu til að sækja um vegabréfsáritun fyrirfram,
11. þú fórst fram á afturköllun vegabréfsáritunarinnar (¹).

Athugasemdir:

Hlutaðeigandi einstaklingi er heimilt að kæra ákvörðun um synjun/ógildingu/afturköllun vegabréfsáritunar í samræmi við landslög. Viðkomandi einstaklingur skal fá afrit af þessu skjali. Sérhvert aðildarríki verður að tilgreina tilvísanir í landslög og málsmeðferðina sem tengist málskotsréttinum, þ.m.t. lögbært yfirvald sem leggja má fram kæru hjá, og kærufrest.

Dagsetning og stimpill sendiráðs/aðalræðisskrifstofu/ræðisskrifstofu/yfirvalda sem bera ábyrgð á eftirliti með einstaklingum/annarra lögbærra yfirvalda.

Undirskrift hlutaðeigandi einstaklings ⁽²⁾.

⁽¹⁾ Kæruheimild er ekki fyrir hendi ef um er að ræða afturköllun vegabréfsáritunar á grundvelli þessa.

⁽²⁾ Ef þess er krafist skv. landslögum.

VIÐAUKI 7

1. HLUÐI

Reglur um útgáfu vegabréfsáritana á landamærum til handa sjómönnum í gegnumferð sem falla undir kvöð um vegabréfsáritun.

Þessar reglur fjalla um upplýsingaskipti milli lögbærra yfirvalda aðildarríkjanna að því er varðar sjómenn í gegnumferð sem falla undir kvöð um vegabréfsáritun. Ef vegabréfsáritun er gefin út á landamærum á grundvelli upplýsinga, sem fengist hafa með upplýsingaskiptum, hvílir ábyrgðin á aðildarríkinu sem gaf út vegabréfsáritunina.

Í þessum reglum er merking eftirfarandi hugtaka sem hér segir:

Höfn aðildarríkis: höfn sem markar ytri landamæri aðildarríkis.

Flughöfn aðildarríkis: flughöfn sem markar ytri landamæri aðildarríkis.

- I. Skráning á skip sem liggur við landfestar í eða sem von er á til hafnar hér á landi (koma inn á yfirráðasvæði aðildarríkjanna):
 - skipafélag eða umboðsmaður skips skal tilkynna lögreglustjóra, þar sem skip liggur við landfestar eða þar sem skip er væntanlegt til hafnar, um væntanlega komu sjómanna, sem falla undir kvöð um vegabréfsáritun, um flughöfn eða höfn hér á landi. Skipafélagið eða umboðsmaðurinn skal skrifa undir ábyrgðaryfirlýsingu vegna þessara sjómanna þess eðlis að skipafélagið muni greiða allan dvalarkostnað og, ef þörf er á, kostnað við heimsendingu sjómannanna,
 - lögreglustjóri skal sannprófa eins fljótt og hægt er hvort upplýsingarnar, sem skipafélagið eða umboðsmaður þess lætur í té, eru réttar og kanna hvort öðrum komuskilyrðum inn á yfirráðasvæði aðildarríkjanna hefur verið fullnægt. Einnig skal sannprófa ferðaleiðina innan yfirráðasvæðis aðildarríkjanna, t.d. með því að kanna flugmiða,
 - þegar vænst er komu sjómanna um flughöfn aðildarríkis skal lögreglustjóri tilkynna lögbærum yfirvöldum komuflughafnar aðildarríkisins um niðurstöður sannprófunarinnar með rétt útfylltu eyðublaði fyrir sjómenn í gegnumferð, sem falla undir kvöð um vegabréfsáritun (eins og fram kemur í 2. hluta), sem sent er með símbréfi, í tölvupósti eða á annan hátt, og gefa til kynna hvort heimilt sé, að meginreglu til, að gefa út vegabréfsáritun á landamærunum. Þegar vænst er komu sjómanna um landamæri á landi eða á sjó ber að tilkynna það lögbærum yfirvöldum landamæra-stöðvarinnar, sem viðkomandi sjómaður fer um við komu sína inn á yfirráðasvæði aðildarríkjanna, samkvæmt sömu málsmeðferð,
 - ef sannprófun á fyrirliggjandi gögnum er jákvæð og niðurstaða hennar er greinilega í samræmi við yfirlýsingu sjómannsins eða skilríki hans er heimilt að gefa út vegabréfsáritun á landamærunum og skal lengd heimilaðrar dvalar samkvæmt henni samsvara þeim tíma sem nauðsynlegur er til gegnumferðarinnar. Auk þess skulu ferðaskilríki sjómannsins stimpluð með komu- eða brottfararstimpli aðildarríkisins í slíkum tilvikum og afhent hlutaðeigandi sjómanni.
- II. Látið af störfum á skipi sem komið er til hafnar aðildarríkis (brottför frá yfirráðasvæði aðildarríkjanna):
 - skipafélag eða umboðsmaður þess skal tilkynna lögreglustjóra þar sem skip liggur við landfestar eða þar sem skip er væntanlegt til hafnar um komu sjómanna sem falla undir kvöð um vegabréfsáritun og eru að láta af störfum á skipi og yfirgefa yfirráðasvæði Íslands um flughöfn hér á landi eða landamæri á sjó. Skipafélagið eða umboðsmaðurinn skal skrifa undir ábyrgðaryfirlýsingu vegna þessara sjómanna þess eðlis að skipafélagið muni greiða allan dvalarkostnað og, ef þörf er á, kostnað við heimsendingu sjómannanna,
 - sannprófa skal, eins fljótt og hægt er, hvort upplýsingarnar, sem skipafélagið eða umboðsmaður þess lætur í té, eru réttar og hvort skilyrðum fyrir komu inn á yfirráðasvæði aðildarríkjanna hafi verið fullnægt. Einnig skal sannprófa ferðaleiðina innan yfirráðasvæðis aðildarríkjanna, t.d. með því að kanna flugmiða,

- ef sannprófun á fyrirliggjandi gögnum er jákvæð er heimilt að gefa út vegabréfsáritun og skal lengd heimilaðrar dvalar samkvæmt henni samsvara þeim tíma sem nauðsynlegur er til gegnumferðarinnar.
- III. Tilfærsla af skipi, sem kom til hafnar aðildarríkis, yfir á annað skip:
- skipafélagið eða umboðsmaður þess skal tilkynna lögreglustjóra þar sem skip liggur við landfestar eða þar sem það er væntanlegt til hafnar um komu sjómanna sem falla undir kvöð um vegabréfsáritun og eru að láta af störfum á skipi og fara út af yfirráðasvæði aðildarríkisins um aðra höfn hérlendis. Skipafélagið eða umboðsmaðurinn skal skrifa undir ábyrgðaryfirlýsingu vegna þessara sjómanna þess eðlis að skipafélagið muni greiða allan dvalarkostnað og, ef þörf er á, kostnað við heimsendingu sjómannanna,
 - lögreglustjóri skal sannprófa, eins fljótt og hægt er, hvort upplýsingarnar, sem skipafélagið eða umboðsmaður þess lætur í té, eru réttar og kanna hvort skilyrðum fyrir komu inn á yfirráðasvæði aðildarríkjanna hafi verið fullnægt. Við könnunina skal hafa samband við lögbær yfirvöld hafnar aðildarríkisins þaðan sem sjómennirnir munu fara brott af yfirráðasvæði aðildarríkjanna með skipi. Kanna skal hvort skipið, sem þeir munu fara með, liggi þar við landfestar eða sé væntanlegt. Einnig skal sannprófa ferðaleiðina innan yfirráðasvæðis aðildarríkjanna,
 - ef sannprófun á fyrirliggjandi gögnum er jákvæð er heimilt að gefa út vegabréfsáritun og skal lengd heimilaðrar dvalar samkvæmt henni samsvara þeim tíma sem nauðsynlegur er til gegnumferðarinnar.

2. HLUTI

EYÐUBLAÐ FYRIR SJÓMENN Í GEGNUMFERÐ SEM FALLA UNDIR KVÖÐ UM VEGABRÉFSÁRITUN			
TIL OPINBERRA NOTA			
ÚTGEFANDI: (STIMPILL)		VIÐTAKANDI YFIRVALD	
KENNINAFN/KENNI OPINBERS STARFSMANNS:			
UPPLÝSINGAR UM SJÓMANNINN:			
KENNINAFN/-NÖFN:	1A	EIGINNAFN/-NÖFN:	1B
RÍKISFANG:	1C	STAÐA:	1D
FÆÐINGARSTAÐUR:	2A	FÆÐINGARDAGUR OG -ÁR:	2B
VEGABRÉFSNÚMER:	3A	NR. SJÓMANNSBÓKAR:	4A
ÚTGÁFUDAGUR:	3B	ÚTGÁFUDAGUR:	4B
GILDISTÍMI:	3C	GILDISTÍMI:	4C
UPPLÝSINGAR UM SKIPIÐ OG UMBOÐSMANN SKIPAFÉLAGSINS:			
NAFN UMBOÐSMANNS SKIPAFÉLAGSINS: 5A		SÍMANÚMER	5B
HEITI SKIPS: IMO-NÚMER		6A 6B	FÁNI: 6C
KOMUDAGUR:	7A	UPPRUNASTAÐUR SKIPS:	7B
BROTTFARARDAGUR:	8A	ÁKVÖRÐUNARSTAÐUR SKIPS:	8B
UPPLÝSINGAR UM FERÐIR SJÓMANNSINS:			
LOKAÁKVÖRÐUNARSTAÐUR SJÓMANNSINS:			9
ÁSTÆÐUR FYRIR UMSÓKN:			
SKRÁNING Á SKIP <input type="checkbox"/>		TILFÆRSLA MILLI SKIPA <input type="checkbox"/>	
LÁTID AF STÖRFUM <input type="checkbox"/>		10	
FARARTÆKI	BIFREIÐ <input type="checkbox"/>	LEST <input type="checkbox"/>	FLUGVÉL <input type="checkbox"/>
11			
DAGSETNING:	KOMU:	GEGNUM- FERÐAR:	BROTTFARAR:
12			
BIFREIÐ (*) <input type="checkbox"/> LEST (*) <input type="checkbox"/>			
SKRÁNINGARNÚMER: FERÐALEIÐ:			
UPPLÝSINGAR UM FLUG:	DAGSETNING:	TÍMI:	FLUGNÚMER:
Formleg yfirlýsing, undirrituð af umboðsmanni skipafélagsins eða eiganda skipsins sem staðfestir ábyrgð hans meðan á dvöl sjómansins stendur og á að hann beri kostnað af heimsendingu hans ef til kemur.			

(*) = einungis fyllt út ef upplýsingar liggja fyrir.

NÁNARI LÝSING Á EYÐUBLAÐINU

1.-4. liður: deili á sjómanninum

1)	A. Kenninafn/-nöfn
	B. Eiginnafn/-nöfn
	C. Ríkisfang
	D. Staða
2)	A. Fæðingarstaður
	B. Fæðingardagur og -ár
3)	A. Vegabréfsnúmer
	B. Útgáfudagur
	C. Gildistími
4)	A. Númer sjómannsbókar
	B. Útgáfudagur
	C. Gildistími

Að því er varðar 3. og 4. lið: Það fer eftir ríkisfangi sjómannsins og hvaða aðildarríki er skráð þar hvort ferðaskilríki eða sjómannsbók eru notuð til að staðfesta deili á viðkomandi.

5.-8. liður: umboðsmaður skipafélagsins og skipið sem um er að ræða.

5)	Nafn umboðsmanns skipafélagsins (sá einstaklingur eða sá lögaðili á hverjum stað sem er fulltrúi eiganda skipsins í öllu því er lýtur að skyldum eigandans) í 5A og símanúmer (og aðrar samskiptaupplýsingar, s.s. bréfasímanúmer og tölvupóstfang) í 5B
6)	A. Heiti skipsins
	B. IMO-númer (7 talna númer sem er einnig þekkt sem „Lloyds-númer“)
	C. Fáni (sem kaupskipið siglir undir)
7)	A. Komudagur skips
	B. Upprunastaður (höfn) skipsins
	Stafurinn „A“ vísar til þess hvaða dag skipið kemur til hafnarinnar þar sem sjómaður á að skrá sig á það
8)	A. Brottfarardagur skips
	B. Ákvörðunarstaður skips (næsta höfn)

Að því er varðar liði 7A og 8A: Þeir gefa vísbendingar um það hversu lengi sjómaður þarf að ferðast þangað sem hann skráir sig á skip.

Hafa ber í huga að leiðin, sem farin er, er mjög háð óvæntum truflunum og utanaðkomandi þáttum, s.s. óveðri, bilunum o.s.frv.

9.-12. liður: tilgangur ferðar sjómannsins og ákvörðunarstaður hans.

- 9) Með „lokaákvörðunarstað“ er átt við lok ferðar sjómannsins. Það getur annaðhvort verið höfn þar sem hann á að skrá sig á skip eða ríkið sem hann er á leið til ef hann er að láta af störfum á skipi.
- 10) Ástæður fyrir umsókn.
 - a) Ef um er að ræða skráningu á skip er lokaákvörðunarstaður höfnin þar sem sjómaðurinn á að skrá sig.
 - b) Ef um er að ræða tilfærslu yfir á annað skip innan yferráðasvæðis aðildarríkjanna er einnig um að ræða höfnina þar sem sjómaðurinn á að skrá sig. Líta ber svo á að sjómaður láti af störfum þegar hann færir sig yfir á skip sem staðsett er utan yferráðasvæðis aðildarríkjanna.

- c) Ýmsar ástæður geta verið fyrir því að láta af störfum, s.s. lok starfssamnings, vinnu-
slys, áriðandi fjölskylduaðstæður o.s.frv.
- 11) Farartæki.
Skrá yfir farartæki sem sjómaður, sem fellur undir kvöð um vegabréfsáritun, notar í gegnumferð um yfirráðasvæði aðildarríkjanna til að komast á lokaákvörðunarstað sinn. Á eyðublaðinu er gert ráð fyrir eftirtöldum þremur möguleikum:
- bifreið (eða langferðabifreið),
 - lest,
 - flugvél.
- 12) Dagsetning komu (inn á yfirráðasvæði aðildarríkjanna).
Á fyrst og fremst við þegar sjómaður kemur til fyrstu flughafnar aðildarríkis eða landamærastöðvar (þarf ekki alltaf að vera flughöfn) á ytri landamærunum, þaðan sem hann óskar að koma inn á yfirráðasvæði aðildarríkjanna.
Dagsetning gegnumferðar.
Átt er við þann dag þegar sjómaður skráir sig af skipi í höfn á yfirráðasvæði aðildarríkjanna og heldur til annarrar hafnar sem einnig er á yfirráðasvæði aðildarríkjanna.
Dagsetning brottfarar.
Átt er við þann dag þegar sjómaður skráir sig af skipi í höfn á yfirráðasvæði aðildarríkjanna til að færa sig yfir á annað skip í höfn utan yfirráðasvæðis aðildarríkjanna eða þann dag þegar sjómaður skráir sig af skipi í höfn á yfirráðasvæði aðildarríkjanna til að snúa aftur til síns heima (utan yfirráðasvæðis aðildarríkjanna).
Auk upplýsinga um hvernig farartæki er notað skal einnig veita tiltækar upplýsingar um eftirfarandi:
- bifreið, langferðabifreið: skráningarnúmer,
 - lest: heiti, númer o.s.frv.,
 - upplýsingar um flug: dagsetningu, tíma, flugnúmer.
- 13) Formleg yfirlýsing, undirrituð af umboðsmanni skipafélagsins eða eiganda skipsins sem staðfestir ábyrgð hans á dvalarkostnaði sjómannsins og á að hann beri kostnað af heim-
sendingu hans ef til kemur.

VIÐAUKI 8

Sértæk málsmeðferð og skilyrði til að greiða fyrir útgáfu vegabréfsáritana til þeirra sem tilheyra ólympíufjölskyldunni og taka þátt í Ólympíuleikunum og Ólympíuleikum fatlaðra.

I. KAFLI

Markmið og skilgreiningar.

1. gr.

Markmið.

Sú sértæka málsmeðferð og skilyrði sem hér fara á eftir greiða fyrir umsóknum um og útgáfu vegabréfsáritana til þeirra sem tilheyra ólympíufjölskyldunni meðan á Ólympíuleikunum og Ólympíuleikum fatlaðra, sem aðildarríki skipuleggur, stendur.

Um málsmeðferð við umsókn og útgáfu vegabréfsáritana gilda ákvæði reglugerðarinnar eftir því sem við á.

2. gr.

Skilgreiningar.

Í þessari reglugerð er merking eftirfarandi hugtaka sem hér segir:

Stofnanir sem bera ábyrgð: í tengslum við þær ráðstafanir, sem eru fyrirhugaðar til að greiða fyrir málsmeðferð við umsóknir og útgáfu vegabréfsáritana fyrir meðlimi ólympíufjölskyldunnar, sem taka þátt í Ólympíuleikunum og/eða Ólympíuleikum fatlaðra, eru þetta þær opinberu stofnanir, með tilliti til ólympíusáttmálans, sem hafa rétt til að leggja fyrir skipulagsnefnd aðildarríkisins, sem heldur Ólympíuleikana og Ólympíuleika fatlaðra, skrá yfir meðlimi ólympíufjölskyldunnar með útgáfu aðgangskorta í huga.

Meðlimur ólympíufjölskyldunnar: einstaklingur sem á aðild að Alþjóðaólympíunefndinni, Alþjóðaólympíunefnd fatlaðra, alþjóðasamtökum, landsnefndum Ólympíuleikanna og Ólympíuleika fatlaðra, skipulagsnefndum Ólympíuleikanna eða landsamtökunum, s.s. íþróttamenn, dómara, þjálfarar og aðrir íþróttatæknar, hjúkrunarlið, sem starfar með liðum eða einstökum íþróttamönnum eða -konum, svo og blaðamenn með blaðamannapassa, æðstu stjórnendur, gefendur, styrktaraðilar eða aðrir opinberir gestir, sem hafa fallist á að fylgja ólympíusáttmálanum, starfa undir stjórn og yfirmumsjón Alþjóðaólympíunefndarinnar, eru á skráum stofnana, sem bera ábyrgð, og skipulagsnefnd ríkisins sem heldur Ólympíuleikana og Ólympíuleika fatlaðra viðurkennir sem þátttakendur á Ólympíuleikunum eða Ólympíuleikum fatlaðra [ártal].

Ólympíuadgangskort: skipulagsnefnd aðildarríkisins sem heldur Ólympíuleikana og Ólympíuleika fatlaðra gefur út, í samræmi við landslög sín, tvenns konar öryggiskilríki, önnur fyrir Ólympíuleikana og hin fyrir Ólympíuleika fatlaðra, með ljósmynd af handhafa, þar sem fram koma deili á viðkomandi meðlimi ólympíufjölskyldunnar og sem heimilar aðgang að svæðum þar sem keppnir og aðrir áformaðir viðburðir eru haldnir meðan á leikunum stendur.

Meðan á Ólympíuleikunum og Ólympíuleikum fatlaðra stendur: tímabilið meðan Ólympíuleikarnir standa yfir og tímabilið meðan Ólympíuleikar fatlaðra standa yfir.

Skipulagsnefnd aðildarríkisins sem heldur Ólympíuleikana og Ólympíuleika fatlaðra: nefndin sem komið er á fót af aðildarríkinu sem heldur leikana, í samræmi við landslög þess, til að skipuleggja Ólympíuleikana og Ólympíuleika fatlaðra, og tekur ákvörðun um viðurkenningu meðlima ólympíufjölskyldunnar sem taka þátt í þessum leikum.

Stofnanir sem bera ábyrgð á útgáfu vegabréfsáritana: stofnanir sem eru tilnefndar í aðildarríkinu sem heldur Ólympíuleikana og Ólympíuleika fatlaðra til að taka umsóknir til meðferðar og gefa út vegabréfsáritanir til handa meðlimum ólympíufjölskyldunnar.

II. KAFLI

Útgáfa vegabréfsáritana.

3. gr.

Skilyrði.

Einungis er heimilt að gefa út vegabréfsáritun samkvæmt þessari reglugerð ef hlutaðeigandi einstaklingur:

- a) hefur verið tilnefndur af einni af þeim stofnunum, sem bera ábyrgð, og viðurkenndur af skipulagsnefnd aðildarríkisins sem heldur Ólympíuleikana og Ólympíuleika fatlaðra sem þátttakandi í Ólympíuleikunum og/eða Ólympíuleikum fatlaðra,
- b) hefur gild ferðaskilríki, sem heimila för yfir ytri landamæri, eins og um getur í 5. gr. reglugerðar um för yfir landamæri nr. 1212/2007,
- c) er ekki á skrá yfir óæskilega einstaklinga sem synja á um komu,
- d) er ekki talinn vera ógnun við allsherjarreglu, þjóðaröryggi eða alþjóðasamskipti í einhverju aðildarríkjanna.

4. gr.

Að leggja inn umsókn.

Þegar stofnun, sem ber ábyrgð, gerir lista yfir þá sem valdir eru til þátttöku í Ólympíuleikunum og/eða Ólympíuleikum fatlaðra er henni heimilt, einnig að því er varðar umsókn um ólympíu-aðgangskort fyrir þá sem valdir eru, að leggja inn hópumsókn um vegabréfsáritanir fyrir þá einstaklinga sem valdir eru og verða að hafa vegabréfsáritun við komu hingað til lands, nema þessir einstaklingar séu handhafar dvalarleyfis sem aðildarríki, Breska konungsríkið eða Írland hefur gefið út, í samræmi við tilskipun Evrópuþingsins og ráðsins 2004/38/EB frá 29. apríl 2004 um rétt borgara sambandsins og aðstandenda þeirra til frjálsra flutninga og búsetu á yfirráðasvæði aðildarríkjanna.

Hópumsókn um vegabréfsáritanir til handa hlutaðeigandi einstaklingum skulu sendar skipulagsnefnd aðildarríkisins sem heldur Ólympíuleikana og Ólympíuleika fatlaðra, ásamt umsóknum um ólympíu-aðgangskort, í samræmi við verklagsreglur sem nefndin setur.

Leggja skal inn sérstaka umsókn um vegabréfsáritun fyrir hvern einstakling sem tekur þátt í Ólympíuleikunum og/eða Ólympíuleikum fatlaðra.

Skipulagsnefnd aðildarríkisins, sem heldur Ólympíuleikana og Ólympíuleika fatlaðra, skal senda hópumsókn um vegabréfsáritanir eins fljótt og auðið er ásamt afritum af umsóknum um ólympíu-aðgangskort fyrir viðkomandi einstaklinga þar sem fram kemur fullt nafn þeirra, ríkisfang, kyn, fæðingardagur og -ár og fæðingarstaður og númer, tegund og gildistími ferðaskilríkja þeirra.

5. gr.

Meðferð hópumsókna um vegabréfsáritanir og tegund útgefinna vegabréfsáritana.

Vegabréfsáritunin, sem gefin er út, skal vera samræmd vegabréfsáritun fyrir margar komur og veita heimild til dvalar í þrjá mánuði að hámarki meðan á Ólympíuleikunum og/eða Ólympíuleikum fatlaðra stendur.

Ef hlutaðeigandi meðlimur ólympíufjölskyldunnar uppfyllir ekki skilyrðin, sem sett eru fram í c- og d-lið 3. gr., er heimilt að gefa út vegabréfsáritun með takmarkað gildissvæði í samræmi við 25. gr. þessarar reglugerðar.

6. gr.

Form vegabréfsáritunarinnar.

Vegabréfsáritunin skal vera í formi tveggja númera sem sett eru í ólympíu-aðgangskortið. Fyrri númerið skal vera númer vegabréfsáritunarinnar. Að því er varðar samræmda vegabréfsáritun skulu vera sjö (7) rittákn í númerinu sem samanstandur af bókstafnum „C“ og þar á eftir koma sex (6) tölustafir. Að því er varðar vegabréfsáritun með takmarkað gildissvæði skulu vera átta (8) rittákn í númerinu sem samanstandur af bókstöfunum „XX“ og þar á eftir koma sex (6) tölustafir ⁽²⁾. Seinna númerið skal vera númer ferðaskilríkja viðkomandi einstaklings.

Stofnanirnar, sem bera ábyrgð á útgáfu vegabréfsáritana, skulu senda skipulagsnefnd aðildarríkisins sem heldur Ólympíuleikana og Ólympíuleika fatlaðra númer vegabréfsáritananna vegna útgáfu ólympíu-aðgangskorta.

⁽¹⁾ Stjttíð. ESB L 158, 30.4.2004, bls. 77.

⁽²⁾ Tilvísun til ISO-kóða skipulagsaðildarríkisins.

7. gr.

Niðurfelling gjaldtöku.

Ekki skal taka gjald fyrir meðferð umsókna og útgáfu vegabréfsáritana.

III. KAFLI

Almenn ákvæði og lokaákvæði.

8. gr.

Afturköllun vegabréfsáritunar.

Ef listanum yfir þá einstaklinga, sem valdir hafa verið til að taka þátt í Ólympíuleikunum og/eða Ólympíuleikum fatlaðra, er breytt áður en leikarnir hefjast skal það tilkynnt tafarlaust til að unnt sé að afturkalla ólympíuaðgangskort þeirra einstaklinga sem teknir voru af skránni. Þá skal skipulagsnefndin tilkynna það þeim stofnunum, sem bera ábyrgð á útgáfu vegabréfsáritana, og greina þeim frá númerum þeirra vegabréfsáritana sem um er að ræða.

Stofnanirnar, sem bera ábyrgð á útgáfu vegabréfsáritana, skulu afturkalla vegabréfsáritanir viðkomandi einstaklinga. Þær skulu tafarlaust tilkynna yfirvöldum, sem bera ábyrgð á eftirliti á landamærum, þar um og skulu þau þegar í stað senda þessar upplýsingar til lögbærra yfirvalda í hinum aðildarríkjunum.

9. gr.

Eftirlit á ytri landamærum.

Þegar meðlimir ólympíufjölskyldunnar, sem hafa fengið vegabréfsáritanir í samræmi við þessa reglugerð, fara yfir ytri landamæri aðildarríkjanna skal eftirlit með komu þeirra takmarkast við að sannreyna að farið sé að skilyrðunum sem sett eru fram í 3. gr.

Meðan á Ólympíuleikunum og/eða Ólympíuleikum fatlaðra stendur:

- a) skal setja komu- og brottfararstimpla á fyrstu auðu síðuna í ferðaskilríkjum meðlima ólympíufjölskyldunnar sem verða að fá slíka stimpla í samræmi við 1. mgr. 12. gr. reglugerðar nr. 1212/2007 um för yfir landamæri. Við fyrstu komu skal tilgreina númer vegabréfsáritunar á þessari sömu síðu,
- b) teljast skilyrðin, sem kveðið er á um í c-lið 1. mgr. 5. gr. reglugerðar nr. 1212/2007 um för yfir landamæri, uppfyllt þegar meðlimur ólympíufjölskyldunnar hefur verið tilhlýðilega viðurkenndur.

Ákvæði 2. mgr. gilda um meðlimi ólympíufjölskyldunnar, sem eru ríkisborgarar þriðja ríkis, hvort sem þeir falla undir kvöð um vegabréfsáritun samkvæmt reglugerð (EB) nr. 539/2001 eða ekki.

VIÐAUKI 9
Skylda til þess að hafa vegabréfsáritun við komu til Íslands.

I. Ríkisborgurum eftirtalinna ríkja ber skylda til þess að hafa vegabréfsáritun við komu til Íslands:

Afganistan	Albanía	Alsír
Alþýðulýðveldið Kongó	Angóla	Armenía
Aserbaídsjan	Bangladess	Barein
Belís	Benín	Bosnía og Hersegóvína
Botsvana	Bólívía	Búrkína Fasó
Búrúndí	Bútan	Djíbútí
Dóminíka	Dóminíska lýðveldið	Egyptaland
Ekvador	Erítrea	Eþíópía
Filippseyjar	Fídjieyjar	Fílabeinsströndin
Gabon	Gambía	Gana
Georgía	Gínea	Gínea-Bissá
Grenada	Grænhöfðaeypjar	Gvæjana
Haítí	Hvíta-Rússland	Indland
Indónesía	Írak	Íran
Jamaíka	Jemen	Jórdanía
Kambódía	Kamerún	Kasakstan
Katar	Kenía	Kirgisistan
Kína	Kíribatí	Kongó
Kólumbía	Kómoreyjar	Kúba
Kúveit	Laos	Lesótó
Líbanon	Líbería	Líbía
Madagaskar	Makedónía, fyrrverandi lýðveldi Júgóslavíu	Malaví
Maldíveyjar	Malí	Marokkó
Marshallleyjar	Máritanía	Mið-Afríkulýðveldið
Miðbaugs-Gínea	Míkrónesía	Mjanmar (Búrma)
Moldavía	Mongólía	Mósambík
Namibía	Nárú	Nepal
Níger	Nígería	Norður-Kórea
Óman	Pakistan	Palá
Papúa Nýja-Gínea	Perú	Rúanda
Rússland	Salómonseyjar	Sambía
Sameinuðu arabísku furstadæmin	Sankti Lúsía	Sankti Vinsent og Grenadíneyjar
Saó Tóme og Prinsípe	Sádi-Arabía	Senegal
Simbabve	Sierra Leóne	Serbía
Sómalía	Srí Lanka	Suður-Afríka
Súdan	Súrínam	Svartfjallaland
Svasíland	Sýrland	Tadsjikistan
Taíland	Tansanía	Timor-Leste
Tonga	Tógó	Trínidad og Tóbagó

Tsjad	Túnis	Túrkmenistan
Túvalú	Tyrkland	Úganda
Úkraína	Úsbekistan	Vanúatú
Vestur-Samóa	Víetnam	

- II. Eftirtöldum, handhöfum gildra ferðaskilríkja, ber skylda til þess að hafa vegabréfsáritun við komu til landsins:
1. Handhafar ferðaskilríkja, útgefnu af heimastjórn Palestínu.
 2. Handhafar ferðaskilríkja sem gefin eru út af Taívan og innihalda ekki númer á persónuskilríki.

VIÐAUKI 10
Undanþága frá skyldu til að hafa vegabréfsáritun við komu til Íslands.

I. Ríkisborgarar eftirtalinna ríkja eru undanþegnir skyldu til að hafa vegabréfsáritun við komu til landsins.

Albanía, að því er varðar handhafa vegabréfa með lífkennum	Andorra	Antígúa og Barbúda
Argentína	Austurríki	Ástralía
Bahamaeyjar	Bandaríki Norður-Ameríku	Barbados
Belgía	Bosnía og Hersegóvína, að því er varðar handhafa vegabréfa með lífkennum	Brasilía
Brúnei Darússalam	Búlgarí	Chile
Danmörk	Eistland	El Salvador
Finnland	Frakkland	Grikkland
Gvatemala	Holland	Hondúras
Hong Kong ¹⁾	Írland	Ísrael
Ítalía	Japan	Kanada
Kostaríka	Krótía	Kýpur
Lettland	Liechtenstein	Litháen
Lúxemborg	Makaó ¹⁾	Makedónía (fyrrum sambandslýðveldi Júgóslavíu), að því er varðar handhafa vegabréfa með lífkennum
Malasía	Malta	Máritíus
Mexíkó	Mónakó	Níkaragva
Noregur	Nýja-Sjáland	Panama
Paragvæ	Páfagarður	Portúgal
Pólland	Rúmenía	San Marínó
Sankti Kristófer og Nevis	Serbía að því er varðar handhafa vegabréfa með lífkennum en á ekki við um handhafa serbneskra vegabréfa sem gefin eru út af Serbnesku samræmingarstofnuninni (á serbnesku: <i>Koodinaciona uprava</i>)	Seychelleseyjar
Singapúr	Slóvakía	Slóvenía
Spánn	Stóra-Bretland, þ.m.t. handhafar vegabréfa fyrir „British Nationals (Overseas)“	Suður-Kórea
Svartfjallaland að því er varðar handhafa vegabréfa með lífkennum	Sviss	Svíþjóð
Tékkland	Ungverjaland	Úrúgvæ
Venesúela	Þýskaland	

¹⁾ Sérstjórnarsvæði, handhafar vegabréfa sem gefin eru út af yfirvöldum sérstjórnarsvæðisins.

- II. Eftirtaldir, handhafar gildra ferðaskilríkja, eru undanþegnir áritunarskyldu við komu til landsins:
1. Handhafar ferðaskilríkja fyrir flóttamenn, sem gefin eru út í samræmi við samning um réttarstöðu flóttamanna frá 28. júlí 1951, ef ferðaskilríkin eru gefin út af Belgíu, Kýpur, Danmörku, Finnlandi, Hollandi, Írlandi, Ítalíu, Liechtenstein, Lúxemborg, Möltu, Noregi, Portúgal, Sviss, Spáni, Svíþjóð, Tékklandi eða Þýskalandi og handhafi þess býr löglega í því ríki sem gaf skilríkið út. Ferðaskilríkið verður að vera gilt til ferðar til baka til útgáfuríkisins.
 2. Handhafar áhafnaskírteina flugáhafna, sem gefin eru út af þar til bæru yfirvaldi í aðildarríki að Alþjóðaflugmálastofnuninni (ICAO) ef handhafar þess sýna fram á að þeir séu skráðir í áhöfn loftfars sem er á Íslandi.
 3. Handhafar NATO „Travel Order – Ordre de Mission OTAN“ (fyrir starfsmenn NATO sem hafa stöðu hermanna), enda hafi handhafi herkennivottorð og sérstök eða sameiginleg ferðafyrirmæli NATO.
 4. Handhafar „Leave order“ NATO, enda hafi þeir herkennivottorð og gilda ferðaheimild til Íslands. Skilríkið veitir heimild til dvalar á Íslandi í allt að þrjú mánuði.
 5. Handhafar ferðabréfa (laissez-passer) Sameinuðu þjóðanna fyrir starfsmenn Sameinuðu þjóðanna, sérstofnana Sameinuðu þjóðanna og Alþjóðakjarnorkumálastofnunarinnar, ef þeir eru á ferðalagi í þágu framangreindra stofnana og framvísa jafnframt ferðabréfi, yfirlýsingu Sameinuðu þjóðanna eða þeirrar stofnunar sem þeir starfa hjá, um að þeir séu að reka erindi Sameinuðu þjóðanna eða viðkomandi stofnunar.
 6. Handhafar gildra ferðavegabréfa (Ausweis, Laissez-passer, Lascia-passare) sem gefin eru út af Evrópusambandinu.
 7. Handhafar diplómatavegabréfa, opinberra vegabréfa og þjónustuvegabréfa frá Tyrklandi, handhafar diplómatiskra vegabréfa og þjónustuvegabréfa frá Pakistan og Suður-Afríku og handhafar diplómatiskra vegabréfa frá Rússlandi.
 8. Handhafar danskra, finnskra, norskra eða sænskra útlendingavegabréfa ef í vegabréfinu er heimild til endurkomu til þess ríkis sem gaf það út.
 9. Ríkisfangslausir og flóttamenn yngri en 21 árs sem eru skráðir í hópvegabréf sem gefið er út í samræmi við Evrópusamning um ferðalög æskufólks á sameiginlegum vegabréfum frá 16. desember 1961 og dveljast löglega í útgáfuríkinu.
 10. Viðurkenndir flóttamenn og þeir sem eru án ríkisfangs, sem búsettir eru í Evrópusambandsríki og eru handhafar ferðaskilríkja sem gefin eru út af því ríki.
 11. Handhafar gildra og viðurkenndra dvalarleyfa sem gefin eru út af íslenskum yfirvöldum eða yfirvöldum í öðru ríki sem tekur þátt í Schengen-samstarfinu.
 12. Handhafar gildra persónuskilríkja sjómanna sem gefin eru út af yfirvöldum í ríki sem er aðili að samþykkt Alþjóðavinnuumálastofnunarinnar (ILO) nr. 108, sbr. viðauka 6.
 13. Skólanemendur, sem þurfa að hafa vegabréfsáritun til að mega koma til landsins en búsettir eru í Evrópusambandsríki sem beitir Evrópuráðsákvörðun 94/795/JHA frá 30. nóvember 1994, þegar þeir eru á skólaferðalagi með kennara frá skólanum.
 14. Handhafar ferðaskilríkja sem gefin eru út af Taívan og innihalda númer á persónuskilríki.

VIÐAUKI 11

Ríki og staðir þar sem sækja má um vegabréfsáritun til Íslands.

Í sendistofnunum Danmerkur og Noregs má fá útgefnar D-áritanir, þ.e. áritanir til lengri dvalar en þriggja mánaða. Í öðrum sendistofnunum sem fara með fyrirsvor fyrir Íslands hönd er ekki unnt að fá vegabréfsáritun til lengri dvalar en þriggja mánaða.

Ríki	Borg	Sendistofnun
Afganistan	Kabúl	Sendiráð Danmerkur
Albanía	Tírana	Sendiráð Danmerkur
Angóla	Lúanda	Sendiráð Noregs
Argentína	Búenos Aíres	Sendiráð Svíþjóðar
Armenía	Jerevan	Sendiráð Frakklands
Aserbaídsjan	Bakú	Sendiráð Noregs
Austur-Kongó	Kinshasa	Sendiráð Svíþjóðar
Ástralía	Sydney	Aðalræðisskrifstofa Danmerkur
Ástralía	Canberra	Sendiráð Noregs
Bandaríkin	Houston	Ræðisskrifstofa Noregs
Bandaríkin	New York	Ræðisskrifstofa Danmerkur
Bandaríkin	San Francisco	Ræðisskrifstofa Noregs
Bandaríkin	Washington	Sendiráð Svíþjóðar
Bangladess	Dakka	Sendiráð Svíþjóðar
Barein	Manama	Sendiráð Þýskalands
Benín	Cotonou	Sendiráð Danmerkur
Bosnía og Hersegóvína	Sarajevó	Sendiráð Danmerkur
Bólvía	La Paz	Sendiráð Danmerkur
Brasilía	Brasilía	Sendiráð Noregs
Brasilía	Rio de Janeiro	Ræðisskrifstofa Noregs
Bretland	London	Sendiráð Danmerkur
Búlgaría	Sofía	Sendiráð Danmerkur
Búrkina Fasó	Ouagadougou	Sendiráð Danmerkur
Chile	Santiago	Sendiráð Svíþjóðar
Dóminíska lýðveldið	Santo Domingo	Sendiráð Frakklands
Egyptaland	Kaíró	Sendiráð Danmerkur
Eritrea	Asmara	Sendiráð Noregs
Eþíópía	Addis Ababa	Sendiráð Danmerkur
Filippseyjar	Maníla	Sendiráð Noregs
Fídjíeyjar	Suva	Sendiráð Frakklands
Gana	Akkra	Sendiráð Danmerkur
Georgía	Tíblisi	Sendiráð Frakklands
Gvatemala	Gvatemala	Sendiráð Svíþjóðar
Hvíta-Rússland	Minsk	Sendiráð Frakklands
Indland	Nýja-Delí	Sendiráð Danmerkur
Indland	Kalkútta	Ræðisskrifstofa Ítalíu
Indland	Chennai	Ræðisskrifstofa Þýskalands
Indland	Mumbai	Ræðisskrifstofa Þýskalands
Indónesía	Djakarta	Sendiráð Danmerkur
Íran	Teheran	Sendiráð Danmerkur
Ísrael	Tel Avív	Sendiráð Danmerkur
Japan	Tókýó	Sendiráð Danmerkur
Jórdanía	Amman	Sendiráð Noregs

Ríki	Borg	Sendistofnun
Kambódía	Phnom Penh	Sendiráð Frakklands
Kanada	Ottawa	Sendiráð Danmerkur
Kasakstan	Almaty	Sendiráð Hollands
Katar	Doha	Sendiráð Frakklands
Kenía	Nairóbí	Sendiráð Danmerkur
Kína	Guangzhou	Ræðisskrifstofa Danmerkur
Kína	Shanghai	Ræðisskrifstofa Danmerkur
Kína	Hong Kong	Ræðisskrifstofa Danmerkur
Kína	Peking	Sendiráð Íslands
Kostaríka	San José	Sendiráð Frakklands
Kólumbía	Bógóta	Sendiráð Svíþjóðar
Króatía	Zagreb	Sendiráð Noregs
Kúba	Havana	Sendiráð Svíþjóðar
Kýpur	Nikósía	Sendiráð Þýskalands
Líbanon	Beirút	Sendiráð Frakklands
Madagaskar	Antananarivo	Sendiráð Noregs
Madagaskar	Diego-Suarez	Ræðisskrifstofa Frakklands
Madagaskar	Tamatave	Ræðisskrifstofa Frakklands
Madagaskar	Majunga	Ræðisskrifstofa Frakklands
Makedónía	Skopje	Sendiráð Frakklands
Malasía	Kúala Lúmpúr	Sendiráð Svíþjóðar
Malaví	Líongve	Sendiráð Noregs
Malí	Bamako	Sendiráð Danmerkur
Marokkó	Rabat	Sendiráð Svíþjóðar
Máritíus	Port Louis	Sendiráð Frakklands
Mexíkó	Mexíkó	Sendiráð Danmerkur
Mjanmar/Burma	Rangoon	Sendiráð Þýskalands
Mongólía	Úlan Bator	Sendiráð Þýskalands
Mósambík	Mapútó	Sendiráð Danmerkur
Namibía	Windhoek	Sendiráð Finnlands
Nepal	Katmandú	Sendiráð Danmerkur
Nígería	Abuja	Sendiráð Noregs
Níkaragva	Managva	Sendiráð Danmerkur
Norður-Kórea	Pjongjang	Sendiráð Svíþjóðar
Pakistan	Islamabad	Sendiráð Danmerkur
Papúa	Port Moresby	Sendiráð Frakklands
Perú	Líma	Sendiráð Finnlands
Rúmenía	Búkarest	Sendiráð Danmerkur
Rússland	Moskva	Sendiráð Danmerkur
Rússland	St. Pétursborg	VF Services LLC – dönsk móttökuskrifstofa fyrir áritanir
Rússland	Múrmansk	Ræðisskrifstofa Finnlands
Sambía	Lusaka	Sendiráð Danmerkur
Sameinuðu arabísku furstadæmin	Abu Dhabi	Sendiráð Noregs
Sameinuðu arabísku furstadæmin	Dubai	Ræðisskrifstofa Danmerkur
Sádi-Arabía	Riyadh	Sendiráð Danmerkur
Serbía	Belgrad	Sendiráð Danmerkur
Singapúr	Singapúr	Sendiráð Danmerkur

Ríki	Borg	Sendistofnun
Srí Lanka	Kólombó	Sendiráð Noregs
Súdan	Khartoum	Sendiráð Noregs
Suður-Afríka	Pretoría	Sendiráð Danmerkur
Suður-Kórea	Seúl	Sendiráð Svíþjóðar
Sýrland	Damaskus	Sendiráð Danmerkur
Taíland	Bangkok	Sendiráð Danmerkur
Tansanía	Dar es Salaam	Sendiráð Svíþjóðar
Trínidad og Tóbagó	Port-of-Spain	Sendiráð Hollands
Túnis	Túnis	Sendiráð Finnlands
Tyrkland	Ankara	Sendiráð Danmerkur
Úganda	Kampala	Sendiráð Noregs
Úkraína	Kíev	Sendiráð Noregs
Úsbekistan	Taskent	Sendiráð Frakklands
Venesúela	Karakas	Sendiráð Noregs
Víetnam	Hanoí	Sendiráð Danmerkur
Zimbabwe	Harare	Sendiráð Noregs